

四庫全書薈要

• 乾隆御覽本

經部

欽定四庫全書薈要

經部

春秋傳卷四至

七



春秋傳卷四

宋 胡安國 撰

桓公上

公名軌惠公之子隱公之弟弑兄自立史記一名允謚法辟土服遠曰桓

周

桓王九年魯桓公十五年桓王崩子莊王立

鄭

莊公三十三年魯桓公十一年莊公卒子昭公忽立是年忽奔衛厲公突立桓十五年厲公奔蔡昭公歸

秋突入于櫟桓十七年昭公弑立子廩桓十八年齊殺廩祭仲立子儀

齊

僖公二十年魯桓公十四年僖公卒子襄公諸兒立

宋

殤公九年魯桓公二年殤公弑莊公馮立

晉

翼哀侯七年魯桓公二年哀侯侵陘庭陘庭與曲沃武公謀桓三年曲沃伐翼獲哀侯晉人立其子小子

侯桓七年曲沃武公殺小子侯桓八年曲沃滅翼冬王命虢仲立晉哀侯之弟緡于晉○曲沃武公五年

衛

宣公八年魯桓公十二年宣公卒惠公朔立桓十六年惠公奔齊公子黔牟立

蔡

桓侯四年魯桓公十七年桓侯卒子哀侯獻舞立

曹

桓公四十六年魯桓公十年曹桓公卒莊公射姑立

滕

詳見隱公元年

陳

桓公三十四年魯桓公五年陳桓公卒陳佗殺太子免而自立桓六年蔡人殺陳佗厲公躍立桓十二年

厲公卒莊公林立

杞

武公詳見
隱公元年

薛

詳見隱
公元年

莒

詳見隱
公元年

邾

儀父詳見
隱公元年

許

許叔詳見隱公元年
魯桓公十五年許叔入于許

小邾

詳見隱
公元年

楚

武王三十年魯桓公六年伐隨使隨請周尊楚號周
室不聽還報楚桓公八年熊通怒自立為楚武王與

隨人盟而去詳見

莊公四年傳註

秦

詳見隱公元年

吳

詳見隱公元年

越

詳見隱公元年

庚桓王

元年

齊僖二十年晉哀七年衛宣八年蔡桓四

午九年

鄭莊三十三年

曹桓四十六年陳桓三

十四年杞武四十年宋殤九年秦寧五年楚武三十年

元年即位之始年也自是累數雖久而不易此前古人君記事之例春秋祖述為編年法及漢文帝惑方士之言改後元年始亂古制夫在位十有六載矣復稱元年可乎孝武又因事別建年號歷代因之或五六年或四三年或一歲再更使記注繁蕪莫之勝載夫歷世無窮而美名有盡豈記久明遠可行之法也

必欲傳久當以春秋編年為正音註復扶又反更勝並平聲

春王正月公即位音註

春秋自隱至文六君唯桓文書即位亦唯桓文書錫命請命之

禮廢矣成公以後皆書即位而無錫命王室感諷諸侯之意不復講也

桓公與聞乎故而書即位著其弑立之罪深絕之也美惡不嫌同辭或問桓非惠公之適子乎適子當立而未能自立是故隱公攝焉以俟其長而授之位久攝而不歸疑其遂有之也是以至於見弑而惡亦有所分矣春秋曷為深疾桓也曰古者諸侯不再娶於禮無二適惠公元妃既卒繼室以聲子則是攝行內主之事矣仲子安得為夫人毋非夫人則桓乃隱之庶弟安得為適子謂當立乎桓不當立則國乃隱公之國其欲授桓乃竇讓之非攝也攝讓異乎曰非其有而居之者攝也故周公即政而為之攝推已所有

以與人者讓也故堯舜禪受而謂之讓惠無適嗣隱公繼室之子於次居長禮當嗣世其欲授桓所謂推已所有以與人者也豈曰攝之云乎以其實讓而桓乃弑之春秋所以惡桓深絕之也然則公羊所謂桓幼而貴隱長而卑子以母貴者其說非歟曰此狗惠公失禮而為之詞非春秋之法也仲子有寵惠公欲以為夫人母愛者子抱惠公欲以桓為適嗣禮之所得為也禮不得為而惠公縱其邪心而為之隱公又探其邪志而成之公羊又肆為邪說而傳之漢朝又引為邪議而用之夫婦之大倫亂矣春秋明著桓罪深加貶絕備書終始討賊之義以示王法

音註與

正人倫存天理訓後世不可以邪汨之也

豫適音嫡後

同惡去聲

三月公會鄭伯于垂

垂即犬丘衛地

鄭伯以璧假許田

許田所以易枋也鄭既歸枋矣又加璧者枋薄於許故也魯山東之國與枋為隣鄭畿內之邦許田近地也以此易彼各利於國而聖人乃以為惡而隱之獨何歟曰利者人欲之私放於利必至奪攘而後厭義者天理之公正其義則推之天下國家而可行春秋惡易許田孟子極陳利國之害皆拔本塞源杜篡弑之漸也湯沐之邑朝宿之地先王所錫先祖所受私相貿易而莫之顧是有無君之心而廢朝覲之禮矣是有無親之心而棄先祖之地矣故聖人以是為國惡而隱之也其不曰以璧易田而謂之假者夫易則已矣言假則有歸道焉又以見許人改過遷善自新之意非止隱國惡而已也其垂訓之意大矣

音

註厭惡並去聲
音茂見音現

夏四月丁未公及鄭伯

莊

盟于越音註

越近垂地結祊成也

垂之會鄭為主也故稱會越之盟魯志也故稱及鄭人欲得許田以自廣是以為垂之會桓公欲結鄭好以自安是以為越之盟夫弑逆之人凡民罔弗慙即孟子所謂不待教命人得而誅之者也而鄭與之盟以定其位是肆人欲滅天理等君父於弁髦網淪法教極矣聖人所為懼春秋所以作無俟於貶絕而惡自見矣

音註

為去聲見音現

秋水

大水者陰逆而與怨氣并之所致也桓行逆德而致陰沴宜矣或問堯之時豈有致之者而曰洛水警予何也曰堯之水非有以致之開闢以來水之行未得其所歸故堯有憂焉使禹治之然後人得平土而居

爾若曰洪水者積雨之所成時暘而熄矣奚待乎九年十有三載之治也山谷之所洩歟自禹功既施疏鑿決排以至於今而其流不減何也是知天非為堯有洪水之災至禹而後水由地中行爾後世有人為不善感動天變召水溢之

音註

辰音

災者必引堯為解誤矣

冬十月

辛桓王二年

齊僖二十一晉哀八衛宣九蔡桓五鄭莊三十四曹桓四十七陳桓三十五杞武四

十一宋殤十弒秦

寧六楚武三十一

春王正月戊申宋督弒其君與夷

桓無王而元年書春王正月以天道王法正桓公之罪也桓無王而二年書春王正月以天道王法正宋

督之罪也程子曰弑逆者不以王法正之天理滅矣督雖無王而天理未嘗亡也其說是矣穀梁子以二年書王正與夷之卒其義一爾以為諸侯之卒天子所隱痛故書王以正之誤矣

及其大夫孔父

按左氏宋殤公立十年十一戰民不堪命孔父為司馬無能改於其德非所謂格君心之非者然君弑死於其難處命不渝亦可以無愧矣父者名也著其節而書及不失其官而書大夫是春秋之所賢也賢而名之何也故侍讀劉敞以謂既名其君於上則不得字其臣於下此君前臣名禮之大節也督將弑殤公孔父生而存則不可得而弑於是乎先攻孔父而後及其君能為有無亦庶幾焉凡亂臣賊子畜無君之心者必先翦其所忌而後動於惡不能翦其所忌則有終其身而不敢動也華督欲弑君而憚孔父劉安

欲叛漢而憚汲直曹操欲禪位而憚孔融此數君子者義形於色皆足以衛宗社而忤邪心姦臣之所以憚也不有君子其能國乎春秋賢孔父示後世人主崇獎節義之臣乃天下之大閑有國之急務也音

註

源人宋治平中為侍讀著春秋傳一十五卷權衡

十七卷意林二卷

滕子來朝

隱公末年滕稱侯爵距此三歲爾乃降而稱子者先儒謂為時王所黜也使時王能黜諸侯春秋豈復作乎又有言其在喪者終春秋之世不復稱侯無說矣然則云何春秋為誅亂臣討賊子而作其法尤嚴於亂賊之黨使人人知亂臣賊子之為大惡而莫之與則無以立於世無以立於世則莫敢勸於為惡而篡

弑之禍止矣今桓公弟弑兄臣弑君天下之大惡凡
民罔弗慙也已不能討又先鄰國而朝之是反天理
肆人欲與夷狄無異而春秋之所深惡也故降而稱
子以正其罪四夷雖大皆曰子其降而稱子狄之也
或曰非天子不制度不議禮不考文仲尼豈以匹夫
專進退諸侯亂名實哉則將應之曰仲尼固不以匹
夫專進退諸侯亂名實矣不曰春秋天子之事乎知
我罪我者其惟春秋乎世衰道微暴行交作仲尼有
聖德無其位不得如黃帝舜禹周公之伐蚩尤誅四
凶戮防風殺管蔡行天子之法於當年也故假魯史
用五刑奉天討誅亂賊垂天子之法於後世其事雖
殊其理一耳何疑於不敢專進退諸侯以為亂名實
哉夫奉天討舉王法以黜諸侯之滅天理廢人倫
者此名實所由定也故曰春秋成而亂臣賊子懼

音

註 惡去聲暴行行
去聲蚩充之反

三月公會齊侯

僖

陳侯

桓

鄭伯

莊

于稷以成宋亂音註

稷宋地成平也弒君之禍接迹天下蓋于是始

按左氏為賂故立華氏也邾定公時有弒父者公瞿然失席曰是寡人之罪也嘗學斷斯獄矣臣弒君凡在官者殺無赦子弒父凡在官者殺無赦殺其人壞其室洿其宮而瀦焉蓋君踰月而後舉爵華督弒君之賊凡民罔不慙也而桓與諸侯會而受賂以立華氏使相宋公甚矣故特書其所為而曰成宋亂夫臣為君隱子為父隱禮也此其目言之何桓惡極矣臣子欲盡隱之而不可以欺後世其曰成宋亂而不書立華氏猶為有隱乎爾春秋列會未有言其所為者獨此與襄公末年會于澶淵各書其事者桓弒隱督弒殤般弒景皆天下大惡聖人所為懼春秋所以作也一則受宋賂而立華氏一則謀宋災而不能討故

特書其事以示貶焉然澶淵之會既不書魯卿又貶諸國之大夫而稱人此則書公又序諸侯之爵何也澶淵之會欲謀宋災而不討弒君之賊雖書曰宋災故而未能表其誅責之意也必深諱魯卿而重貶諸國之大夫然後足以啓問者見是非也搜之會前有宋督弒君後有取宋鼎之事書曰成宋亂則其責已明不必諱公與貶諸侯音註瞿紀具反斷丁亂反壞之爵次然後見其罪矣音怪濤音烏慙徒對反為去聲

夏四月取郕大鼎于宋戊申納于大廟音註

郕小國音告大廟魯

周公廟宋以郕鼎賂公始欲平宋亂終於受賂故備書之大音泰

取者得非其有之稱納者不受而強致之謂弒逆之賊不能致討而受其賂器寘于大廟以明示百官是

直以弑逆之事為可以行也公子牙慶父仲遂意如之惡又何誅焉聖人為此懼而作春秋故直載其事謹書其日垂訓後世使知寵賂之行保音註強上聲邪廢正能敗人之國家也亦或知戒矣為于偽反

秋七月杞侯來朝

公穀程氏皆以杞為紀桓弟弑兄臣弑君天下之大惡王與諸侯不奉天討反行朝聘之禮則皆有貶焉所以存天理正人倫也紀侯來朝何獨無貶乎當是時齊欲滅紀紀侯求魯為主非為桓立而朝之也

音註為于偽反

蔡侯

桓

鄭伯

莊

會于鄧音註

此懼楚之始也

按左氏曰始懼楚也其地以國鄧亦與焉楚自西周已為中國之患宣王蓋嘗命將南征矣及周東遷僭號稱王憑陵江漢此三國者地與之隣是以懼也其後卒滅鄧虜蔡侯而鄭以王室懿親為之服役終春秋之世聖人蓋傷之也夫天下莫大於理莫強於信義循天理惇信義以自守其國家荆楚雖大何懼焉不知本此事醜德齊莫能相尚則以地之大小力之強弱分勝負矣觀春秋會盟離合之迹而夷夏盛衰之由可攷也觀春秋進退予奪抑揚之旨則知安中夏待四夷之道矣

音註

與將並去聲

九月入杞

公及戎盟于唐

冬公至自唐音註

此書至會之始

凡為人子者出必告反必面事亡如事存故君行必告廟反必奠而後入禮也出必告行反必告至常事爾何以書或誌其去國踰時之久也或錄其會盟侵伐之危也或著其黨惡附姦之罪也桓公弑君而立嘗列於中國諸侯之會而不書至同惡也今遠與戎盟而書至者危之也程氏所謂居夷浮海之意是矣語不云乎夷狄之有君不如諸夏之亡也

壬桓王十三年齊僖二十二晉哀九衛宣十蔡桓六鄭
莊三十五曹桓四十八陳桓三十六杞
武四十二宋莊公元年
秦寧七楚武三十二

春正月

桓公三年而後經不書王有以為周不班歷者昭公末年王室有子朝之亂豈暇班歷而經皆書王非不

班歷明矣又有以為此闕文也安得一公之內凡十四年皆不書王其非闕文亦明矣然則云何桓公弑君而立至於今三年而諸侯之喪事畢矣是入見受命於天子之時也而王朝之司馬不施殘執之刑鄰國之大夫不聞有沐浴之請魯之臣子義不戴天反面事讎曾莫之恥使亂臣賊子肆其凶逆無所忌憚人之大倫滅矣故自是而後不書王者見桓公無王與天王之失政而不王也桓公無王而復歸罪於天子可乎齊景公問政子曰君君臣臣父父
音註 朝如
子子君不君則臣不臣父不父則子不子
音現
下同

公會齊侯

傳

于嬴

音註 嬴音盈
齊地

夏齊侯衛侯胥命于蒲

音註 蒲衛地書惟天子稱命此私相命也諸侯不請命而

私相命
於是始

公羊曰胥命者相命也相命近正也古者不盟結言而退人愛其情私相疑貳以成傾危之俗其所由來漸矣有能相命而信諭豈不獨為近正乎故特起胥命之文於此有取焉聖人以信易食答子貢之問君子以信易生重桓王之失信去則民不立矣故荀卿言春秋善胥命

六月公會杞侯
武于郕

秋七月壬辰朔日有食之既

穀梁曰既盡也言日言朔食正朔也言朔不言日食既朔也言日不言朔食晦日也不言日不言朔夜食也何以知其夜食曰王者朝日王者朝日則何以知其夜食乎曰始出而有虧傷之處未之復也則知其

食於夜矣日者衆陽之宗人君之象而有食之既則其為變大矣先儒以為荆楚僭號鄭拒王師之應

音註

處昌慮反

公子翬如齊逆女

娶妻必親迎禮之正也若夫邦君以爵則有尊卑以國則有大小以道途則有遠邇或迎之於其國或迎之於境上或迎之於所館禮之節也紀侯於魯以小大言則親之者也而使履緌來魯侯於齊以遠邇言則親之者也而使公子翬往是音註迎去聲下並不重大昏之禮失其節矣故書音註同綸音須

九月齊侯送姜氏于謹音註

謹魯地已去齊故不言女未至於國故不言夫人

公會齊侯于謹

夫人姜氏至自齊

古者昏禮必親迎則授受朋後世親迎之禮廢於是
有父母兄弟越境而送其女者以公子翬往逆則既
輕矣為齊侯來乃逆而會之于讎是公之行其重在
齊侯而不在姜氏豈禮也哉不言以至者既得見乎
公也不能防閑於是乎在敝筍之刺兆矣禮者所以
別嫌明微制治于未亂不可不謹也娶夫人國之大
事故
音註
刺七
賜反

冬齊侯使其弟年來聘

有年

舊史災異與慶祥並記故有年大有年得見於經若
舊史不記聖人亦不能附益之也然十二公多歷年

所有務農重穀閔雨而書雨者豈無豐年而不見於經是仲尼於他公皆削之矣獨桓有年宣大有年則存而不削者緣此二公獲罪於天宜得水旱凶災之譴今乃有年則是反常也故以為異特存耳然則天道亦僭乎桓宣享國十有八年獨此二年書有年他年之歎可知也而天理不差信矣此一事也在不修春秋則為慶祥君子修之則為變異是聖人因魯史舊文能立興王之新法也故史文如畫筆經文如化工嘗以是觀非聖人莫能修之審矣有年大有年自先儒說經者多列於慶瑞之門至程氏發明奧旨然後以為記異此得音註見音於言意之表者也

音註現

癸桓王十年

四年

齊僖二十三年晉小子侯元年衛宣十一年蔡桓七鄭莊三十六曹桓四十九陳桓

三十七杞武四十三宋莊二秦寧八楚武三十三

春正月公狩于郎音註

冬獵曰狩

何以書譏遠也戎祀國之大事狩所以講大事也用民以訓軍旅所以示之武而威天下取物以祭宗廟所以示之孝而順天下故中春教振旅遂以蒐中夏教蒐舍遂以苗中秋教治兵遂以獮中冬教大閱遂以狩然不時則傷農不地則害物田狩之地如鄭有原圃秦有具圃皆常所也違其常所犯害民物而百姓苦之則將聞車馬之音見羽毛之美舉疾首蹙頞而相告可不謹乎以非其地而必書是春秋謹於微之意也每謹於微然後王德全矣

夏天王使宰渠伯糾來聘

宰冢宰也渠氏伯爵糾其名也王朝公卿書爵大夫書字上士中士書名下士書人例也糾位六卿之長

降從中士之例而書名貶也於糾何貶乎在周制大司馬九伐之法諸侯而有賊殺其親則正之放弑其君則殘之桓公之行當此二者舍曰不討而又聘焉失天職矣操刑賞之柄以馭下者王也論刑賞之法以詔王者宰也以經邦國則有治典以安邦國則有教典以平邦國則有政典以詰邦國則有刑典治教政刑而謂之典明此天下之大常也大宰所掌而獨謂之建以此典大宰之所定也乃為亂首承命以聘弑君之賊乎故特貶而書名以見宰之非宰也聘于弑君之賊而名其宰則桓公沒王使榮叔來錫命矣榮叔何以書字而不名也始而來聘冢宰書名以見貶終而追錫王不稱天以示譏其義備矣夫咺貶仲子糾聘桓公其事皆三綱之所繫也然咺獨書官糾魚稱爵何也如咺者豈初得政猶未受封而糾則或以諸侯入相或既相而已封者乎漢初命相必擇列侯為之後用公孫因相而得封蓋欲倣古重其任也

任之重則責益深矣嫡妾之分君臣之義天下之大
倫無所輕重糾以既封故魚稱爵見春秋責相之意
也
音註 舍上聲 分去聲

春秋傳卷四

春秋傳卷五

宋 胡安國 撰

桓公中

甲桓王十

五年

齊僖二十四晉小子二衛宣十二蔡桓
成三年八鄭莊三十七曹桓五十陳桓三十八

卒杞武四十四宋莊三

秦寧九楚武三十四

春正月甲戌巳丑陳侯鮑卒音註

陳佗弒太子而自立

夏齊侯鄭伯如紀音註

外相朝曰如

按左氏齊鄭朝紀欲以襲之紀人知之夫如者朝詞也尊不朝乎卑大不朝乎小紀之為紀微乎微者也

齊在東州尊則方伯鄭亦大國也並驅而朝紀乃懷詐譏之謀欲以襲之而不虞紀人之覺也其志僭矣此外相如爾何以書紀人主魯故來告其事魯史承告故備書于策夫子修經存而不削者以小國恃大國之安靖已而乃包藏禍心以圖之亦異於興滅國繼絕世之義矣故存而弗削以著齊人滅紀之罪明紀侯去國之由劉敞意林所謂聖人誅意之效是也

天王使仍叔之子來聘音註

仍叔之子
王朝大夫

仍叔之子云者譏世官非公選也帝王不以其愛害公選故仕者世祿而不世官任之不以其賢也使之不以其能也卿大夫子弟以父兄故而見使則非公選而政由是敗矣上世有自耕野釣渭擢居輔相而人莫不以為宜伊陟象賢復相太戊丁公世美入掌兵權不以世故疑之也崇伯殛死禹作司空蔡叔既

因仲為卿士亦不以其父故廢之也惟其公而已矣
及周之衰小人得政視朝廷官爵為已私援引親黨
分據要途施及童稚賢者退處于華門老身而不用
公道不行然後夷狄侵凌國家傾覆雖有智者不能
善其後矣春秋書武氏仍叔之子云者戒後世人主
徇大臣私意而用其子弟之弱者居公選之地以敗
亂其國家欲其深省之也
音註施以
豉反

葬陳桓公

城祝丘音註

祝丘
魯地

秋蔡人

桓

衛人

宣

陳人

佗

從王伐鄭音註

從王伐鄭君
臣之辭也自

伐鄭無功而後王
命始不行於天下

按左氏王奪鄭伯政鄭伯不朝王以諸侯伐鄭鄭伯禦之戰於繻葛王卒大敗春秋書王必稱天者所章則天命也所用則天討也王奪鄭伯政而怒其不朝以諸侯伐焉非天討也故不稱天或曰鄭伯不朝惡得為無罪曰桓公弑君而自立宋督弑君而得政天下大惡人理所不容也則遣使來聘而莫之討鄭伯不朝貶其爵可也何為憤怒自將以攻之也移此師以加宋魯誰曰非天討乎春秋天子之事述天理而時措之也既譏天王以端本矣三國以兵會伐則言從王者又以明君臣之義也君行而臣從正也戰于繻葛而不書戰王卒大敗而不書敗者又以存天下之防也三綱軍政之本聖人寓軍政於春秋而書法若此皆裁自聖心

音註

惡平聲使去聲
繻音須與音預

大雩音註

書大雩
之始

大雩者雩於上帝用盛樂也諸侯雩于境內之山川
爾魯諸侯而郊禘大雩欲悉書於策則有不勝書故
雩祭則因早以書而特謂之大郊禘亦因事以書而
義自見此皆國史所不能與君子以為性命之文是
也諸侯不得祭天地大夫不得祭山川士庶人不敢
以他人祖禘祭於已之寢禮也故季氏旅於泰山子
曰嗚呼曾謂泰山不如林放乎明乎春秋所書郊
禘大雩之義則知聖人治國如指諸掌之說矣

螽音註

螽陟隆反
蟲災也

冬州公如曹音註

不書奔以
朝出也

按左氏淳于公如曹度其國危遂不復天子三公稱
公王者之後稱公州公諸侯而稱公者昔畢高以父
師而保釐東土衛武以列國而入相于周蓋與後世
出入均勞之意同此其所以稱公也外相如不書此

何以書將有其
末故先錄其本

乙桓王十
六年齊僖二十五晉小子三衛宣十三蔡桓
亥四年九鄭莊三十八曹桓五十一陳厲公躍

元年杞武四十五宋莊
四秦寧十楚武三十五

春正月寔來音註

州公也
寔音殖

按左氏自曹來朝書曰寔來不復其國也寔者州公
名也春秋之法諸侯不生名失地滅同姓則名正名
經世之本名正而天下定矣或曰諸侯失國而後託
於諸侯孟子以為禮也今州公來朝將以諸侯之禮
接之乎則春秋乃書其名將以匹夫之賤畜之乎孟
子乃以託國為禮將何處而可曰世衰道微諸侯放
恣強凌弱衆暴寡天子不能正方伯不能治其有壤
地偏小迫乎大國之間而失國是不幸焉非其罪也

則以諸侯之禮接之可也若譚子在莒弦子在黃溫
子在衛雖失國出奔而春秋不名義可見矣若夫不
能修道以正其國或棄賢保佞或驕奢淫縱或用兵
暴亂自底滅亡如蔡獻舞邾益曹陽州寔之徒皆其
自取焉耳則待之以初乃禮之過也觀春秋名與不
名則知所以處寓公之禮與強為善自暴棄者之勸
戒音註強上聲矣

夏四月公會紀侯于郕音註

郕魯邑

秋八月壬午大閱音註

書大閱之始

大閱簡車馬也周制大司馬中冬大閱教衆庶修戰
法獨詳于三時者為農隙故也書八月不時矣以鼓
則王執路鼓諸侯執賁鼓以旗則王載太常諸侯載
旂以殺則王下大綏諸侯下小綏其禮固亦不同也

書大閱非禮矣先王寓軍政於四時之田訓民禦暴其備豫也懼鄭忽畏齊人不因田狩而閱兵車厲農失政甚矣何以保其國乎春秋非特以不時非禮書也乃天未陰雨徹彼桑土綢繆牖戶之意

蔡人殺陳佗音註

佗五父也魯莊公二十一年傳陳厲公蔡出也故蔡人出五父而立之厲

立公躍

佗弑太子而代其位至是踰年不成之為君者以賊討也書蔡人以善蔡書陳佗以善陳善蔡者以蔡人知佗之為賊善陳者以陳國不以佗為君知其為賊故稱人稱人討賊之詞也不以為君故稱名稱名當討之賊也魯桓弑君而鄭伯與之盟宋督弑君而四國納其賂則不知其為賊矣齊商人弑君者及其見殺而稱位蔡般弑父者及其見殺則稱爵是齊蔡國人皆以為君矣聖人於此抑揚與奪過人欲於橫流

存天理於既滅見諸行事可謂深切著明矣篡弑之賊外則異國皆欲致討而不赦內則國人不可以為君而莫之與誰敢勸於為惡故曰

音註

般音班
橫去聲

九月丁卯子同生

音註
同桓公子
莊公也

適冢始生即書于策與子之法也唐虞禪夏后殷周繼春秋兼帝王之道賢可禪則以天下為公而不拘於世及之禮子可繼則以天下為家而不必於讓國之義萬世之通道也與賢者貴於得人與子者定於立適傳子以適天下之達禮也故有君薨而世子未生之禮植遺腹朝委裘而天下不亂者以名分素明而民志定也經書子同生所以明與子之法正國家之本防後世配適奪正之事垂訓之義大矣此世子也其不曰世子何也天下無生

音註

適音嫡

冬紀侯來朝

按左氏會于郕詔謀齊難也冬來朝請王命以求成于齊也公告不能孟子曰觀近臣以其所為主觀遠臣以其所主主者成敗之機榮辱之本也昭公棄晉主齊至於客死鄭伯逃齊主楚終以乞盟觀其所主而榮辱成敗見矣魯桓者弑君之賊人人之所同惡夫人得而討之也而主之以求援其能國乎然則何以免於貶志不音註見音現在於朝桓也

丙桓王十年齊僖二十六年晉小子四衛宣十四蔡桓子五年十鄭莊三十九曹桓五十二陳厲二杞

武四十六宋莊五泰寧十一楚武三十六

春二月己亥焚咸丘音註

咸丘魯地

咸丘地名也易稱王用三驅在禮天子不合圍諸侯不掩羣夫子釣而不網弋不射宿皆愛物之意也推此心以及物至於鳥獸若草木裕無淫獵之過矣書焚咸丘所謂焚林而田也

夏穀伯綏來朝鄧侯吾離來朝音註

魯在泰山之下穀
鄧在方城之外兩

君之好不相及也有朝
桓者必若穀鄧而後貶

春秋之法諸侯不生名穀伯鄧侯何以名桓天下之大惡也執之者無禁殺之者無罪穀伯鄧侯越國踰境相繼而來朝即大惡之黨也故特貶而書名與失地滅同姓者比焉經於朝桓者或貶爵或書名或稱人以深絕其黨撥亂之法嚴矣誅止其身而黨之者無罪則人之類不相賊殺為禽獸也幾希四時具然後成歲故雖無事必書首時今此獨於秋冬闕焉何也立天之道曰陰陽陽居春夏以養育為事所以生

物也王者繼天而為之子則有賞陰居秋冬以肅殺為事所以成物也王者繼天而為之子則有刑賞以勸善非私與也故五服五章謂之天命刑以懲惡非私怒也故五刑五用謂之天討古者賞以春夏刑以秋冬象天道也桓弟弑兄臣弑君而天討不加焉是陽而無陰歲功不能成矣故特去秋冬二時以志當世之失刑也獨於四年七年闕焉何也按周制大司馬諸侯而有賊殺其親則正之放弑其君則殘之桓弑隱公而立大司馬九伐之法雖未之舉猶有望也及使冢宰下聘恩禮加焉則天下之望絕矣故四年宰糾書名而去秋冬二時以見天王之不復能用刑也陳恒弑其君孔子請討之以從大夫之後不敢不告也桓弑隱公而立雖方伯連帥環視而未之恤猶有望也及穀鄧二國自遠來朝則天下諸侯莫有可望者矣故七年穀伯鄧侯各書其名而去秋冬二時以見諸侯之不復能修其職也然則見之行事不亦

深切著明矣乎故曰春秋成而亂臣賊子懼

丁桓王十八年齊僖二十七年晉侯緡元年衛宣十五年蔡丑六年桓十一鄭莊四十曹桓五十三陳厲三

杞武四十七宋莊六秦寧十二楚武三十七

春正月己卯烝

按周官大司馬烝以中冬今魯烝以春正月其不同何也周書有周月以紀政而其言曰夏數得天百王所同其在商周革命改正示不相沿至於敬授民時巡狩烝享猶自夏焉然則司馬中冬教大閱獻禽以享烝所謂自夏而魯之烝祭在春正月見春秋用周正紀魯事也而穀梁子乃曰烝冬事也春興之志不時也是以閉蟄而烝為是與周制異矣春秋非以不時志也為再烝見瀟書也

音註

中音仲下同

天王使家父來聘音註

家父凡伯皆大雅之舊人也

下聘弑逆之人而不加貶何也既名家宰於前其餘無責焉乃同則書重之義以此見春秋任宰相之專而責之備也虞史以人主大臣為一體春秋以天王宰相為一心以為一體故帝庸作歌則曰股肱喜哉元首起哉百工熙哉皋陶賡歌則曰元首明哉股肱良哉庶事康哉而垂益九官之徒不與也以為一心故歸贈仲子會葬成風則宰咺書名於前而王不稱天於後來聘桓公錫桓公命則宰糾書名以正其始王不稱天以正其終而榮叔家父之徒不與也故人主之職在論相而已矣

音註

陶音

夏五月丁丑烝

春秋之文有一句而包數義者有再書而一貶者戎伐凡伯于楚丘以歸之類一句而包數義春正月己

卯烝夏五月丁丑
烝再書而一貶

秋伐邾音註

大夫
專也

冬十月雨雪音註

雨去
聲

祭公來遂逆王后于紀音註

祭公來不稱王使王未有
成命遂專也是故書遂始

此於

劉敞曰祭公王之三公也曷為不稱使不與王之使
祭公也師傅之官坐而論道其任重矣今其來魯乃
命魯侯以婚姻之事者也若是則大夫可矣何必三
公任之重使之輕故祭公緣此義得專命不報遂行
如紀而王以輕使為失祭公以遂行為罪矣此說是
也為之節者宜使卿往逆公監之則於禮得矣使祭

公命魯主婚姻之事則曰不可卿往而公監之何以可乎命魯輕矣卿往公監之重矣官師從單靖公逆王后于齊劉夏非卿而書靖公合禮則不書故先儒以為使卿逆公監之禮也

戊桓王十年

九年

齊僖二十八晉緡二衛宣十六蔡桓十

寅七年

二鄭莊四十一曹桓五十四陳厲四杞

靖公元年宋莊七秦出

子元年楚武三十八

春紀季姜歸于京師音註

姜紀國姓季姜周桓王后

往逆則稱王后既歸何以書季姜自逆者而言則當尊崇其匹內主六宮之政使妃妾不得以上僭故從天王所命而稱王后示天下之母儀也自歸者而言則當樛屈逮下使夫人嬪婦皆得進御於君而無嫉妬之心故從父母所子而稱季姜化天下以婦道也其詞之抑揚上下進退先後各有所當而不相悖皆

正始之道王化之基春秋之所謹也京師者衆大之稱

夏四月

秋七月

冬曹伯使其世子射姑來朝

音註
射音亦
又音夜

按周官典命凡諸侯之嫡子誓於天子而攝其君則下其君之禮一等未誓則以皮帛繼子男世子固有出會朝聘之儀矣然攝其君繼子男者謂諸侯朝於天子有時而不敢後故老疾者使世子攝已事以見天子急述職也諸侯閒於王事則相朝其禮本無時曹伯既有疾何急於朝桓而使世子攝哉大位姦之窺也危病邪之伺也世子君之貳也君疾而儲副出啓窺伺之心危道也當享而射姑數踰月而終生卒

其有疾明矣而使世子來終生之過也世子將欲已乎則方命矣曰孝子盡道以事其親者也不盡道而苟焉以從命為孝又焉得為孝故尸子曰夫已多乎道

音註

又焉音烟尸子名佼晉人

已桓王十

十年

齊僖二十九晉緡三衛宣十七蔡桓十

卯八年

三鄭莊四十二曹桓五十五卒陳厲五

杞靖二宋莊八秦出

子二楚武三十九

春王正月

桓無王今復書王何也十者盈數也天道十年則亦周矣人事十年則亦變矣故易稱守貞者十年而必反傳論遠惡者十年而必棄桓公至是其數已盈宜見誅於天人矣十年書王紀常理也有習於穀梁子而不得其傳者見二年書王以為正與夷之卒此年書王而曹伯適薨遂附益之以為正終生之卒誤矣

果正諸侯之卒不緣篡弑者陳侯鮑在
五年之正月曷不書王以正其卒乎

庚申曹伯終生卒

音註桓公卒子莊公射姑立

夏五月葬曹桓公

秋公會衛侯于桃丘弗遇

弗者遷詞惡失信也衛初約魯會于桃丘至是中變而從齊鄭於是乎有郎之師其戰于郎直書曰來盟于惡曹俱奪其爵則桃丘之弗遇也蓋惡衛侯之失信矣桃丘衛地

冬十有二月丙午齊侯

僖

衛侯

宣

鄭伯

莊

來戰于郎

春秋加兵于魯衆矣未有書來戰者此獨不稱侵伐而以來戰為文何也兵凶器戰危事聖人之所重也

誅暴禁亂敵加於已蓋有不得已而應之者矣未有
悖道縱欲得已不已而先之者也魯桓弒立天下大
惡人人之所得討也鄭伯則首盟于越以定其位齊
侯則繼會于稷以濟其姦曾不能修方伯之職駐師
境上聲罪致討伸天下之大義也今特以私忿小怨
親帥其師戰於魯境尚為知類也哉此春秋之所必
誅而不以聽也故以三國為主而書來戰于
郎鄭人主兵而首齊猶衛州吁主兵而先宋

春秋傳卷五

春秋傳卷六

宋 胡安國 撰

桓公下

庚桓王十

十有一年

齊僖三十晉緡四衛宣十八蔡桓
十四鄭莊四十三辛曹莊公射始

元年陳厲六杞靖三宋莊
九秦出子三楚武四十

春正月齊人

僖

衛人

宣

鄭人

莊

盟于惡曹音註

惡曹地
闕此戰

郎之諸侯也戰稱君盟稱人畧之也鄭敗王師齊滅后
之母家衛亦抗子突而自立自有參盟莫甚於惡曹故
畧之也

盟會皆君臣之禮故微者之盟會不志於春秋凡春秋所志必有君與貴大夫居其間者也惡曹之盟即三國之君矣既不以道興師為郎之戰又結怨固黨為惡曹之盟故前書其爵而以來戰著罪後書此盟而以辱爵示貶

夏五月癸未鄭伯寤生卒音註

世子忽立是為昭公

鄭莊公志殺其弟使餉其口於四方自以為保國之計得也然身沒未幾而世嫡出奔庶孽奪正公子互爭兵革不息忽儀壺突之際其禍懣矣亂之初生也起於一念之不善後世則而象之至於兄弟相殘國內大亂民人思保其室家而不得不亦酷乎有國者所以必循天理而不可以私欲滅之也莊公之事可以為永鑒矣

秋七月葬鄭莊公

九月宋人執鄭祭仲音註

此書執之始

祭仲鄭相也見執於宋使出其君而立不正罪較然矣何以不名命大夫也命大夫而稱字非賢之也乃尊王命貴正卿大祭仲之罪以深責之也其意若曰以天子命大夫為諸侯相而執其政柄事權重矣固將下庇其身而上使其君保安富尊榮之位也今乃至於見執廢絀其君而立其非所立者不亦甚乎任之重者責之深祭仲無所逃其罪矣春秋美惡不嫌同辭突之書名則本非有國由祭仲立之也若忽則以世嫡之正至於見逐不能立乎其位貴賤之分亡矣凡此類抑揚其詞皆仲尼親筆非國史所能與而先儒或以從赴告而書者殊誤矣或曰孔父賢而書名則曰禮之大節也今此則名其君於下而字其臣

於上何以異乎曰春秋者輕重之權衡也變而不失其正之為權常而不過於中之為正宋殤孔父道其常祭仲昭公語其變惟

音註

絀與黜同

可與權者其知之矣

突歸于鄭

突不稱公子絕之也小白入于齊則曰齊小白突歸于鄭何以不稱鄭突乎以小白繫之齊者明桓公之宜有齊也不以突繫之鄭者正厲公不當立也突不當立何以書歸于鄭乎春秋書歸有二義一易詞也一順詞也其書入亦有二義一難詞也一逆詞也突以庶奪正因為不順矣然內則權臣許之立外則大國為之援而世子忽之才不能以自固也則其歸無難故穀梁子曰歸易詞也

鄭忽出奔衛音註

此書奔之始忽繫鄭而突不繫鄭以突為篡也

忽以國氏正也出奔而名不能君也考於詩有女同
車刺無大國之助也山有扶蘇所美非美然也蕢兮
君弱臣強不唱而和也狡童不能與賢臣圖事權臣
擅命也夫以狡童目其君聖人猶錄其詩所以見忽
之失國亦其自取非獨仲之罪矣或曰詩人刺忽之
不昏于齊至於見逐欲固其位者必待大國之援乎
曰此獨為鄭忽言也如忽之為人苟無大援則不能
立爾若夫志士仁人卓然有以自立者進退之權在
我矣鄭自五霸之後益以侵削他日子產相焉馳詞
執禮以當晉楚至於壞諸侯之館垣却逆女之公子
于野皆變其常度以晉楚之強卒莫能屈亦待大國
之助乎然則仲見脅忽出奔咸其自取焉爾春秋書
法如此欲人自
音註 壞諸侯之館垣見左傳襄公三
十一年却逆女之公子于野見

左傳昭
公元年

柔會宋公

莊

陳侯

厲

蔡叔

桓

盟于折音註

柔魯大夫折地闕如字又

音古此大夫會盟諸侯之始故敗之至公子結不貶矣

公會宋公于夫鍾音註

夫鍾邲地夫音扶

冬十有二月公會宋公于闕音註

闕魯地口暫反

臣與宋公盟于折君與宋公會于夫鍾于闕于虛于邲皆存而不削何其詞費也曰盟者春秋所惡而屢盟以長亂會者諸侯所不得而數會以厚疑聖人皆存而不削於以見屢盟而卒叛數會而卒離其事可謂著明矣是故春秋之志在於天下

音註

見音現

為公講信修睦不以會盟為可恃也

辛桓王二已十年

十有二年

齊傳三十一晉緡五衛宣十九卒蔡桓十五鄭厲公突元年曹莊二

陳厲七卒杞靖四宋莊十
秦出子四楚武四十一

春正月

夏六月壬寅公會杞侯

武

莒子盟于曲池音註

曲池魯地

秋七月丁亥公會宋公燕人盟于穀丘音註

穀丘宋地

八月壬辰陳侯躍卒音註

厲公卒子林立

公會宋公于虛音註

虛宋地

冬十有一月公會宋公于龜音註

龜宋地

丙戌公會鄭伯盟于武父音註

武父鄭地

丙戌衛侯晉卒音註

宣公卒惠公朔立

十有二月及鄭師伐宋丁未戰于宋

既書伐宋又書戰于宋者責賂于鄭而無厭屢盟於魯而無信者宋也二國聲其罪以致討故書曰伐夫宋人之罪則固可伐矣然取其賂以立督者魯桓也資其力以篡國者鄭突也無諸已然後可以非諸人春秋之義用賢治不肖不以亂易亂也故又書曰戰于宋來戰者罪在彼戰于郎是也往戰者罪在內戰于宋是也

壬桓王二十一年

十有三年

齊僖三十二晉緡六衛惠公朔元年蔡桓十六鄭厲二曹莊三陳莊

公林元年杞靖五宋莊十一秦出子五楚武四十二

春二月公會紀侯鄭伯已巳及齊侯宋公衛侯燕人戰
齊師宋師衛師燕師敗績

左氏以為鄭與宋戰公羊以為宋與魯戰穀梁以為
紀與齊戰趙匡考據經文內兵則以紀為主而先於
鄭外兵則以齊為主而先於宋獨取穀梁之說蓋齊
紀者世讎也齊人合三國以攻紀魯鄭援紀而與戰
戰而不地於紀也不然紀懼滅亡不暇何敢將兵越
國助魯鄭以增怨乎齊為無道恃強凌弱此以紀為
主何也彼為無道加兵于已必有引咎責躬之事禮
義辯喻之文猶不得免焉則亦固其封疆效死以守
上訴諸天子下告諸方伯連率與鄰國之諸侯其必
有伸之者矣不如是而憤然與戰豈已亂之道乎力
同度德動則相時小國讎大國而幸勝焉禍之始也
息伐鄭而亡鄭勝蔡而懼蔡大敗楚而滅今紀人不

度德不量力不徵詞輕與齊戰而為之援者弒君之賊篡國之人也不能保其國自此戰始矣春秋以紀為主省德相時自治之意也

音註

援去聲

三月葬衛宣公

葬自內錄也既與衛人戰曷為葬宣公怨不棄義怒不廢禮是知古人以葬為重也禮喪在殯孤無外事衛宣未葬朔乃即戎已為失禮又不攝子是以吉服從金革之事其為惡大矣凡此類據事直書年月具存而惡自見也

夏大水

秋七月

冬十月

癸桓王二十

十有四年

齊僖三十三年卒晉緡七衛惠二蔡桓十七鄭厲三曹莊四陳莊二

杞靖六宋莊十二秦出子六楚武四十三

春正月公會鄭伯于曹音註

會于曹曹人致餼禮也

無冰音註

無冰時燠也

按幽風七月周公陳王業之詩也其詞曰二之日鑿冰沖沖三之日納于凌陰四之日其蚤獻羔祭韭周宮凌人之職頒冰於夏其藏之也涸陰沍寒於是乎取其出之也賓食喪祭於是乎用藏之周用之徧亦理陰陽天地之一事也今在仲冬之月燠而無冰則政治縱弛不明之所致也故書於策夫春秋所載皆

經邦大訓而書法若此其
察於四時寒暑之變詳矣

夏五

夏五傳疑也疑而不益見聖人之慎也故其自言曰
吾猶及史之闕文也其語人曰多聞闕疑慎言其餘
則寡尤而世或以私意改易古書者有矣蓋亦視此
為鑒可也然則春秋何以謂之作曰其義則斷自聖
心或筆或削明聖人之大用其事
則因舊史有可損而不能益也

鄭伯厲使其弟語來盟音註

語穀梁
作祭

來盟稱使則前定之盟也其不稱使如楚屈完齊高
子則權在二子盟不盟特未定也諸侯之兄弟例以
字通而書名者罪其有寵
之私非友于之義也

秋八月壬申御廩災

門觀災而新作則書御廩災盛之所藏其新必矣何以不書營宮室以宗廟為先重本也御廩災而新則不書常事也以為常事而不書垂教之意深矣知其說者然後知有國之急務為政之後先雖勤於工築而民不怨勞與妄興土木困民力以自奉者異矣

音註
盛音成

乙亥嘗

嘗祭時事之常則何以書志不時與不敬也春秋紀事用周月而以八月嘗則不時也御廩災于壬申而嘗以乙亥是不改卜而供未易災之餘則不敬也禮以時為大施於事則不時禮以敬為本發於心則不敬故書

冬十有二月丁巳齊侯祿父卒音註

僖公卒襄公立

宋人

莊

以齊人

襄

蔡人

桓

衛人

惠

陳人

莊

伐鄭音註

一以

國而用諸侯之師於是始此霸者之所由興也

師而曰以者能左右之以行已意也宋怨鄭突之背已故以四國伐鄭魯怨齊人之侵已故以楚師伐齊蔡怨麇瓦之拘已故以吳子伐楚蔡弱於吳魯弱於楚宋與蔡衛陳敵而弱於齊乃用其師以行已意故特書曰以列國之兵有制皆統乎天子而敢私用之與私為之用以伐人國大亂之道也故穀梁子曰以者不以者也

甲桓王二十三年崩

十有五年

齊襄公諸兒元年晉緡八衛惠三蔡桓十八鄭厲四曹莊五陳

莊三杞靖七宋莊十三秦
武公元年楚武四十四

春二月天王使家父來求車

遣使需索之謂求王畿千里租稅所入足以充費不
至於有求四方諸侯各有職貢不至於來求以喪事
而求貨財已為不可況車服乎經於求賄求車求金
皆書曰求垂後戒也夫上有好者下必有甚焉者矣
王者有求下觀而化諸侯必將有求以利其國大夫
必將有求以利其家士庶人必將有求以利其身皇
皇焉唯恐不足未至於篡弑奪攘則不厭矣古之君
人者必昭儉德以照臨百官尊卑登降各有度數示
等威明貴賤民志既定之後皆安其分而無求兵刑
寢矣及侈心一動莫為防制必至於亢不衷官失德
庶恥道喪寵賂日章淪於危亡而後止也觀春秋
所書則見王室衰亂之由而知興衰撥亂之說矣

音

註好去聲

三月乙未天王崩音註

桓王崩莊王立至莊三年葬

夏四月己巳葬齊僖公

五月鄭伯突出奔蔡

按左氏祭仲專鄭伯患之使其壻雍糾殺之雍姬知之以告仲仲殺雍糾公出奔蔡是祭仲逐之也沒而不書其義何也陸淳曰逐君之臣其罪易知也君而見逐其惡甚矣聖人之教在乎端本清源故凡諸侯之奔皆不書所逐之臣而以自奔為名所以警乎人君其說是也夫君實有國而出於臣乃其自取焉耳本正而天下之事理矣

鄭世子忽復歸于鄭音註

忽即昭公也已居君位而復稱世子者明突之為篡也

忽嘗嗣位君其國歸而獨稱世子則亡其君位明矣其稱復歸者謂既絕而復歸也然諸侯失國出奔歸而稱復則可大夫失位出奔歸而稱復則不可古者諸侯世國大夫不世官或曰復厥詞也

許叔入于許音註

許叔莊公弟

許太岳之裔先王建國迫於齊鄭不得奉其社稷未聞可滅之罪也即當伸大義以直詞上告諸天王下赴諸方伯求復其國冀除宗廟孰能與之爭今乃因亂竊入則非復國之義故書入於許入云者難詞也

公會齊侯

襄

于艾音註

艾齊地

邾人牟人葛人來朝音註

邾牟葛三人皆附庸之世子也其君應稱名故其子降稱

人

公羊曰皆何以稱人夷狄之也其狄之何
天王崩不奔喪而相率朝弑君之賊也

秋九月鄭伯突入于櫟音註

櫟鄭別都來
的反又音蔡

經於厲公復國削而不書獨書入于櫟何也夫制邑
之死號君共城之叛太叔皆莊公所親戒也今又城
櫟而寘子元焉使昭公不立何謀國之誤也衛有蒲
戚而出獻公楚有陳蔡不愛而叛棄疾末大必折有
國之害也故夫子行乎季孫曰古者家不藏甲邑無
百雉之城遂墮三都以張公室於厲公復國削而不
書者若曰既入于櫟則其國已復矣於以明居重馭
輕強幹弱枝以身使臂之義為天下與來世之鑒也
為國者可不謹於禮乎春秋此
義皆小康之事衰世之意也

音註

義音郎墮
許窺反

冬十有一月公會宋公衛侯陳侯于袤伐鄭音註

袤鄭地昌

氏反○先行會禮而後伐鄭

左氏曰將納厲公也弗克而還穀梁曰地而後伐疑辭非其疑也昭公與定之是非邪正亦明矣然昭公雖正其才不足以君一國之人復歸於鄭日以微弱厲公雖篡其智足以結四隣之援既入於櫟日以盛強諸侯不顧是非而計其強弱始疑於輔正終變而與邪穀梁所謂非其疑者非其疑於為義而果於為不義相與連兵動衆納篡國之公子也故詳書其會地而後言伐以譏之也

乙莊王十有六年

齊襄二晉緡九衛惠四蔡桓十九鄭厲五昭公忽元年曹莊六陳莊四杞

靖八宋莊十四秦武二楚武四十五

春正月公會宋公蔡侯衛侯于曹

夏四月公會宋公衛侯陳侯蔡侯伐鄭

春正月會于曹蔡先於衛夏四月伐鄭衛先於蔡王制諸侯之爵次其後先固有秩序矣在周官大司馬設儀辨位以等邦國猶天建地設不可亂也及春秋時禮制既亡伯者以意之向背為升降諸國以勢之強弱相上下蔡當先衛今序陳下者先儒以為後至也以至之先後易其序是以利率人而不要諸禮也豈所以定民志乎後世有以醖賞誘人之趨事赴功以重罰沮人之奉公守正意亦如此夫亂之所由生也則儀位以為階春秋防微杜漸尤嚴於名分考其所書意自見矣

秋七月公至自伐鄭音註

此書至自伐之始

伐鄭則致罪之也曷為罪之以納突也諸侯失國諸侯納之正也伐鄭以納突非正也故書至以罪桓之上無王法恣為不義而莫之禁也

冬城向音註

向地闕失亮反

十有一月衛侯朔出奔齊音註

惠公讒搆取國故不言二子逐罪之也

丙莊王

十有七年

齊襄三晉緡十衛惠五黔牟元年蔡桓二十卒鄭厲六昭二曹莊七陳莊

五杞靖九宋莊十五秦武三楚武四十六

春正月丙辰公會齊侯紀侯盟于黃音註

黃齊地或曰紀地後屬齊

二月丙午公會邾儀父盟于趙音註

趙魯地翠軌反

夏五月丙午及齊師戰于奚音註

奚魯地此齊魯交兵之始齊魯之兵始於

奚而終於艾陵

六月丁丑蔡侯封人卒音註

桓侯卒哀侯立

秋八月蔡季自陳歸于蔡音註

季蔡侯弟

季字也歸順詞蔡季之去以道而去者也其歸以禮而歸者也公子不去國季何以去權也既歸何以不有國獻舞立矣若季者劉敞所謂智足以與權而不亂力足以得國而不居遠而不攜過而不迫者也是以見貴於春秋

癸巳葬蔡桓侯

啖助曰蔡桓何以稱侯蓋蔡季之賢知請謚也人亦多愛其君者莫能愛君以禮而季能行之此賢者所以異於衆人也或曰葬未有不稱公者其稱侯傳失之耳臣子之於君極其尊而稱之禮也其說誤矣孔子疾子路使門人為臣子曰無臣而為有臣吾誰欺欺天乎曾子疾革而易簣曰吾得正而斃焉斯已矣故終而必安於正人子不以非所得而加之於父是為孝人臣不以非所得而加之於君是為忠極其尊而稱之不正之大者而可以為禮哉或曰魯君生而稱公亦非禮乎曰生而稱公為虛位禮之文也沒而繫謚為定名禮之實也春秋諸侯雖伯子男葬皆稱公志其失禮之實為後世戒欲其以正終也其垂訓之義

音註

斃音幣

大矣

及宋人

莊

衛人

黔

伐邾

冬十月朔日有食之音註

甲乙者歷之紀也晦朔者日月之會也日食不可以不存

晦朔晦朔須甲乙而可推故日食必以書朔日為例○是年冬鄭高渠彌弑昭公忽而立子亶十八年齊殺子

亶祭仲立昭

公弟子儀

丁莊王

十有八年

齊襄四晉緡十一衛惠六黔年二蔡衰侯獻舞元年鄭厲七子亶元年曹

莊八陳莊六杞靖十宋莊十六秦武四楚武四十七

春王正月

是年桓公已終復書王者春秋之時諸侯放恣弑君篡國者已列於會則不復致討故魯宣殺惡及視以取國賂齊請會而傳曰會于平州以定公位曹伯負芻殺太子自立見執於晉而曹人請之曰若為有罪

則君列諸會矣孔子為此懼作春秋於十八年復書王者明弑君之賊雖身已沒而王法不得赦也又據桓十五年天王崩至是新君嗣立三年之喪畢矣明弑君之賊雖在前朝而古今之惡一也然則篡弑者不容於天地之間身無存沒時無古今皆得討而不赦聖人之法嚴矣已列於會則不致討可乎故曰春秋成而亂臣賊子懼

公會齊侯于濊音註

濊水名在濟南歷城縣西北入濟鹿村洛三音

公與夫人姜氏遂如齊音註

公本與夫人俱行至濊公與齊侯行會禮故先書會

濊既會而又相隨至齊故曰遂

與者許可之詞曰與者罪在公也按齊詩惡魯桓微弱不能防閑文姜使至淫亂為二國患而其詞曰敝

筭在梁其魚唯唯齊子歸止其從如水言公於齊姜委曲順從若水從地無所不可故為亂者文姜而春秋罪桓公治其本也易曰夫夫婦婦而家道正夫不夫則婦不婦矣乾者夫道也以乘御為才坤者婦道也以順承為事易著於乾坤述

音註

惡去聲

其理春秋施於桓公見其用

夏四月丙子公薨于齊丁酉公之喪至自齊音註

公薨于齊

不言我諱之也公之喪至自齊告廟也

魯公弒而薨者則以不地見其弒今書桓公薨于齊豈不沒其實乎前書公與夫人姜氏如齊後書夫人孫子齊去其姓氏而莊公

音註

孫音

不書即位則其實亦明矣

秋七月

冬十有二月己丑葬我君桓公

公羊曰賊未討何以書葬讎在外也穀梁子曰讎在外者不責踰國而討于是也夫桓公之讎在齊則外也隱公之讎在魯則內也在外者不責其踰國固有任之者矣在內者討于是此春秋之法也故十八年書王而桓公書葬惟可與權者其知之矣

春秋傳卷六

春秋傳卷七

宋 胡安國 撰

莊公上

公名同桓公之子母文姜諡法勝敵克亂曰莊

周

莊王四年魯莊公十二年僖王崩孫惠王立

鄭

子儀元年魯莊公十四年鄭傅瑕殺子儀而納厲公莊二十一年厲公卒子文公立

齊

襄公五年魯莊公八年襄公弒莊九年齊桓公小白入于齊是年齊管仲為政

宋

莊公十八年魯莊公二年宋莊公卒子閔公捷立莊十二年閔公弒弟桓公御說立

晉

翼晉侯緡十二年緡之二十七年魯莊公之十六年也曲沃武公伐晉滅之○曲沃武公二十三年魯莊

公十六年滅晉侯緡周僖王命曲沃伯以一軍為晉侯始更號曰晉武公魯莊公十七年武公卒子獻公

伋諸

衛

惠公七年黔牟二年魯莊公六年齊納惠公放黔牟于周莊二十五年惠公卒子懿公赤立

蔡

哀侯二年魯莊公十年楚敗蔡師執哀侯以歸莊十九年哀侯卒于楚蔡人立其子肸為繆侯

曹

莊公九年魯莊公二十三年曹莊公卒子僖公夷立魯莊公三十二年僖公卒子昭公班立

滕

詳見隱公元年

陳

魯莊公元年十月莊公卒子宣公杵臼立

杞

詳見隱公元年及僖公元年

薛

魯莊公三十一年薛伯卒

邾

魯莊公十六年邾子克卒即儀父也邾子瑣卒文公遽蔭立

許

許叔入許五年即僖公四年許穆公新臣也

小邾

魯莊公五年邾來朝詳見隱公元年

楚

武王四十八年魯莊公四年卒子文王熊賁立莊十九年文王卒子堵敖熊羆立莊二十二年熊惲弑兄

堵敖代立是為楚成王史記以莊十八年為堵敖元年堵敖立五年遇弑楚成王立十六年齊桓公以兵侵

楚至陘山○莊公三十一年楚子文為令尹

秦

詳見隱公元年

吳

詳見隱公元年

越

見上註

戊莊王

元年

齊襄五年晉緡十二年衛惠七年黔牟三年

子四年

蔡哀二年鄭厲八年子儀元年曹莊九

年陳莊七年

卒杞靖十一年宋莊

十七年秦武五年楚武四十八年

春王正月

不書即位內無所承上不請命也或曰莊公嫡長其
為儲副明矣雖內無所承上不請命獨不可以享國
而書即位乎曰諸侯之嫡子必誓於王莊雖嫡長而
未誓安得為國儲君副稱世子也夫為世子必誓於
王為諸侯可以內無所承上不請命擅有其國即諸
侯之位耶春秋絀而不書父子君臣之大倫正矣

三月夫人孫于齊音註

夫人莊公母也魯人責之故出奔內諱奔謂之孫猶言孫讓而

去孫音遜

夫人文姜也桓公之弑姜氏與焉為魯臣子者義不共戴天矣嗣君夫人所出也恩如之何徇私情則害天下之大義舉王法則傷母子之至恩此國論之難斷者也經書夫人孫于齊而恩義之輕重審矣梁人有繼母殺其父者而其子殺之有司欲當以大逆孔子彥曰文姜與弑魯桓春秋去其姜氏傳謂絕不為親禮也夫絕不為親即凡人耳方諸古義宜以非司寇而擅殺當之不得以逆論也人以為允故通於春秋然後能權於天下之事矣孫者順讓之詞使若不為人子所遂以全恩也哀姜去而弗返文姜即歸于魯例以孫書何也與聞弑桓之罪已極有如去而弗返深絕之也然則恩輕而義重矣河廣之詩其詞何

取而聖人錄於國風者明宋襄公之重本亦此義也其垂訓遠矣

夏單伯逆王姬音註

單伯天子之卿采地諸侯也王將嫁女子于齊既命魯為主故單伯逆

女不稱使也王姬不稱字以王為尊且別於內女也天子嫁女於諸侯使同姓諸侯主之不親婚尊卑不敵也善單音

單伯者吾之命大夫也逆王姬使我為主也其不言如者穀梁子以為義不可受於京師也躬君就於齊使之主婚姻與齊為禮其義固不可受也此明忘親釋怨則無以立人之道矣

秋築王姬之館于外

魯於王室為懿親其主王姬亦舊矣館於國中必有常處今特築之於外者穀梁子以為仇讎之人非所

以接婚姻也。衰麻非所以接弁冕也。知其不可，故特祭之于外也。祭之于外，得變之正乎？曰：「不正。」有三年之喪，天王於義不當使之主，有不戴天之讐。莊公於義不可為之主，祭之于外之為宜，不若辭而弗主之為正也。是以君子貴端本焉。或曰：「天王有命，固不可辭。」使單伯逆于京師，上得尊周之義，為之築館于外，下未失居喪之禮。奚為不可？曰：「以常禮言之可也。今莊公有父之讐，方居苦塊，此禮之大變也。而為之主，婚是廢人倫，滅天理矣。春秋於此事一書再書，又再書者，其義以復讐為重，示天下後世臣子不可忘君親之意故也。雖築館于外，不以為得禮而特書之也。」

音註 兼音

冬十月乙亥陳侯林卒

音註

莊公卒子宣公杵臼立

王使榮叔來錫桓公

音註

榮叔周大夫追命衛襄之兄若昭七年追命衛襄之兄

此錫命之始桓弑君兄自立不請命而王追錫命故王不稱天

啖助曰不稱天王寵篡弑以潰三綱也春秋書王必稱天所履者天位也所行者天道也所賞者天命也所刑者天討也今桓公弑君篡國而王不能誅反追命之無天甚矣桓無王王無天其失非小惡也與葬成風引為夫人使妾並嫡無以異故其文一施之范甯乃以出居于鄭來聘求車三事為證而謂非義之所存誤矣

王姬歸于齊

魯主王姬之嫁舊矣在他公時常事不書此獨書者以歸于齊故也逆于京師築館于外而不書歸于齊則無以見其罪之在也書歸于齊而後忘親釋怨之罪著矣春秋復讎之義明矣

音注

見音現

齊師遷紀邢部部音註

此遷邑之始齊欲滅紀故遷其三邑之民而取其地邢音萍部

音茲部

音吾

邢部部者紀三邑也邑不言遷遷不言師其以師遷之者見紀民猶足與守而齊人強暴用大衆以迫之為己屬也凡書遷者自是而滅矣春秋興滅國繼絕世則遷國邑者不再貶而罪已見矣

己莊王二年

齊襄六晉緡十三衛惠八年四年蔡哀三年鄭厲九子儀二曹莊十陳宣公杵臼元年

杞靖十二宋莊十八辛
秦武六楚武四十九

春王二月葬陳莊公

夏公子慶父帥師伐於餘丘

按二傳於餘丘邾邑也國而曰伐此邑爾其曰伐何也誌慶父之得兵權也莊公幼年即位首以慶父主兵卒致子般之禍於餘丘法不當書聖人特書以誌亂之所由為後戒也魯在春秋中見弑者三君其賊未有不得魯國之兵權者公子翬再為主將專會諸侯不出隱公之命仲遂擅兵兩世入祀伐邾會師救鄭三軍服其威令之日久矣故翬弑隱公而為氏不能明其罪慶父弑子般而成季不能遏其惡公子遂殺惡及視而叔仲惠伯不能免其死夫豈一朝一夕之故哉春秋所書為戒遠矣

音註

將去聲為

委音

秋七月齊王姬卒

內女嫁為諸侯妻則書卒王姬何以書此內女為之服也故檀弓曰齊告王姬之喪魯莊公為之大功或

曰由魯嫁故為之服姊妹之服夫服稱情而為之節者也莊公於齊王姬厚矣如不共戴天之念何此所謂不能三年之喪而總小功音註告禮記之案也特卒王姬以著其罪音註作穀

冬十有二月夫人姜氏會齊侯于禚音註

齊地音灼

婦人無外事送迎不出門見兄弟不踰閭在家從父既嫁從夫夫死從子今會齊侯于禚是莊公不能防閑其母失子道也故趙匡曰姜氏齊侯之惡著矣亦所以病公也曰子可以制母乎夫死從子通乎其下況於國君君者人神之主風教之本也不能正家如正國何若莊公者哀痛以思父誠敬以事母威刑以督下車馬僕從莫不俟命夫人徒往乎夫人之往也則公威命之不行哀戚之不至爾

乙酉宋公馮卒音註

莊公卒子閔公音註捷立馮音憑

庚莊王

三年

齊襄七晉緡十四衛惠九黔牟五蔡哀四
鄭厲十子儀三曹莊十一陳宣二杞靖十

三家閔公捷元年

秦武七楚武五十

春王正月溺會齊師伐衛音註

溺魯大夫

穀梁子曰此公子溺也其不稱公子何也惡其會仇
讎伐同姓故貶而名之也有父之讎而釋怨其罪大
矣况與合黨與
師伐人國乎
音註 惡去聲

夏四月葬宋莊公

五月葬桓王

左氏曰緩也天子七月而葬同軌畢至諸侯五月同
盟至大夫三月同位至士踰月外姻至王崩至是蓋

七年矣先儒或言天子不志葬又以為不言葬者常也夫事孰有大於葬天子者而可以不志乎死生終始之際人道之大變豈以是為常事而不書也

秋紀季以鄆入于齊音註

季紀侯弟鄆紀邑音攜○齊欲滅紀故季以邑入齊為附

庸先祀不廢社稷有奉故書字貴之也

大夫不得用地公子不當去國盜地以下敵棄君以避患非人臣也故春秋之義私逃者必書奔有罪者必加貶今季不書奔則非竊地也不書名則非貶也諸侯兄弟貶則書名宋辰秦鍼之類是也不貶則書字蔡季許叔之類是也紀季所以不書奔者有紀侯之命矣所以不書名者天下無道強衆相陵天子不能正方伯不能代屈已事齊請後五廟其亦不得已而為之者非其罪也所以無貶乎入云者難詞也

音註

鐵其
廉反

冬公次于滑音註

滑鄭地此
書次之始

穀梁子曰次止也有畏也欲救紀而不能也春秋紀
兵伐而書次以次為善救而書次以次為譏次于滑
譏之也魯紀有婚姻之好當恤其患於齊有父之讎
不共戴天苟能救紀抑齊一舉而兩善并矣見義不
為而有畏也春秋之所惡故書公次于滑以譏之也
或言夫子意在刺無王命若譏其怯懦則當褒其勇
者春秋乃數亂之書為此言者誤矣易於謙之六五
則曰利用侵伐師之六四則曰左次无咎進退勇怯
顧我如何耳豈可專以音註好去聲
勇為數亂而不與乎音註惡去聲

辛莊王四年

齊襄公晉縡十五
鄭厲十一子義四
衛惠十黔牟六
蔡哀五
陳宣三杞靖

十四宋閔二秦武
八楚武五十一卒

春王二月夫人姜氏享齊侯

襄

于祝丘音註

祝丘魯地

享者兩君之禮所以訓恭儉也兩君相見享于廟中禮也犧象不出門嘉樂不野合非兩君相見又去其國而享諸侯甚矣

三月紀伯姬卒

夏齊侯陳侯鄭伯遇于垂音註

不期而會曰遇

蘇轍曰鄭伯子儀也桓十五年書突出奔蔡忽歸于鄭是年九月突入于櫟十七年高渠彌弑忽立子亶十八年齊襄公殺子亶鄭人立子儀莊十四年突使傅瑕弑子儀而入則遇于垂者子儀也然則鄭有二

君可乎春秋有一國而二君者鄭突與儀衛衛與剝是也突衍始終為君子儀君鄭十有四年剝君衛十有一年皆能君者也故春秋因其實而君之然則孰與曰皆不與也突之入以篡衍之出以惡儀剝雖國人所立而突衍在焉非所以為安也故四人者春秋莫適與也皆不沒其實耳君子不幸而處此如子臧季札可也不如是則亂不止為此說者

音註

麇音尾衍苦旦

反適音嫡

紀侯大去其國音註

以國與季季奉社稷故不言滅不見迫逐故不言奔大去者不反之

詞

凡大聞大雩大蒐而謂之大者譏其僭也大無者志倉廩之竭也大去者土地人民儀章器物悉委置之

而不顧也或曰以爭國為小而不為以去國為大而為之者也夫守天子之土疆承先祖之祭祀義莫重焉委而去之無貶歟曰有國家者以義言之世守也非身之所能為則當效死而勿去以道言之不以其所以養人者害人亦可去而不守於斯二者顧所擇如何爾然則擬諸太王去邠之事其可以無愧矣曰太王去邠從之者如歸市紀侯去國日以微滅則何太王之可擬哉故聖人與其不爭而去而不與其去而不存與其不存而去是以異於失地之君而不名不與其去而不存是故書叔姬歸鄆而不錄紀侯之卒明其為君之末矣

六月乙丑齊侯葬紀伯姬

葬紀伯姬不稱齊人而目其君者見齊襄迫逐紀侯使之去國雖其夫人在殯而不及葬然後襄公之罪

著矣或曰葬之禮也而以為著其罪何也試魯君滅其婚姻之國而葬其女是猶加刃於人以手撫之也而可以為禮乎斥言齊侯賤之也或曰惡其詐也如紀似禮存紀似義葬伯姬似仁惡似而非者惡秀恐其亂音註見音現

苗也

惡去聲

秋七月

冬公及齊人狩于禚

穀梁子曰齊人者齊侯也其曰人何也卑公之敵所以卑公也何為卑公不復讎而怨不釋刺釋怨也父母之讎不共戴天兄弟之讎不與同國九族之讎不同鄉黨朋友之讎不同市朝今莊公與齊侯不與共戴天則無時焉可通也而與之狩是忘親釋怨非人子矣夫狩者馳騁田獵其為樂下主乎已一為乾豆

其事上主乎宗廟以為有人心者宜於此焉

音註

刺七

賜反樂音

洛乾音干

壬莊王

五年

齊襄九年晉昭十六衛惠十一黔牟七蔡哀

辰八年

靖十五年宋閔三秦武

九楚文王熊貽元年

春王正月

夏夫人姜氏如齊師

師者衆多之地按齊詩載驅刺襄公無禮義威其車服疾驅於通道大都與文姜淫之詩也其三章曰汶水湯湯行人彭彭魯道有蕩齊子翱翔彭彭者多貌也其四章曰汶水滔滔行人儻儻魯道有蕩齊子遊

遊儼儼者衆貌也曰會曰享猶為之名也至是如齊師羞惡之心亡矣夫人之行不可復制矣春秋書此以戒後世謹禮於微

音註

湯失章反彭必亡反儼表驕反惡去聲行去聲復扶

又反

秋鄆黎來來朝音註

鄆附庸國也黎來名也後為小邾子

邾國也黎來名也國何以名夷狄之附庸也中國附庸例書字邾儀父蕭叔是也夷狄附庸例書名邾黎來介葛盧是也能脩朝禮故特書曰朝其後王命以為小邾子蓋於此已能自進於禮矣

冬公會齊人宋人陳人蔡人伐衛

殺梁子曰是齊侯宋公也其曰人何也人諸侯所以人公也其人公何也逆王命也桓公十六年衛侯朔

出奔齊經書其名者以王命絕之也又黨有罪以納之故貶而稱人

癸莊王

六年

齊集十晉緡十七衛惠十二黔牟八蔡哀
已九年 七鄭厲十三子儀六曹莊十四陳宣五杞

靖十六宋閔四

秦武十楚文二

春王正月音註

正月公穀
作三月

王人子突救衛音註

書救始此自救衛無功而後王命
益不行天下王人微者子突其字

也以下士之微起從大夫之例而書字者褒救衛也
朔陷其兄使至於死罪固大矣然其父所立諸侯莫
得而治也王治其舊惡而廢之可也又藉諸侯之力
抗王命以入國是故四國之君貶而稱人王人之微
嘉而書字或曰子突王之子弟也用兵大事而委諸
子弟使無成功故書人以譏之必若此言是春秋以

成敗論事而不計理也使諸侯苟顧逆順之理子突雖微自足以申王命矣彼既肆行莫之顧也雖天子親臨將有請從如祝聃者況其下乎子突不勝五國使之得入也其亦不幸焉爾矣幸不幸命也守義循理者法也君子行法以俟命故其褒貶如此

夏六月衛侯朔入于衛

秋公至自伐衛

人有二義一難詞也一逆詞也朔藉諸侯之力連五國之師距王官之微者以復歸于衛其勢宜無難矣而書入者逆王命也春秋大義在於天下為公選賢與能而不拘大人世及之禮雖以正取國未之貴也況彼其兄又逆王命乎故衛朔書名書入以著其惡王人書字書教以著其善外則諸侯書人內則莊公

書至而春秋
音註 距與拒同
之情見矣
見音現

螭

冬齊人來歸衛俘

俘者二傳以為竇按商書稱遂伐三股俘厥寶玉則
俘者正文也竇者釋詞也言齊歸衛寶則知四國皆
受朔之賂矣春秋特書此事結正諸侯之罪也夫以
弟弑兄臣弑君篡居其位上逆天王之命人理所不
容矣彼諸侯者豈其弗察而援之甚力則未有以驗
其喪心失志迷惑之端也及書齊人歸寶然後知其
有欲貨之心而後動於惡也世衰道微暴行交作徇
於貨寶賄賂公行使君臣父子兄弟終去仁義懷利
以相與不至於篡弑奪攘則不厭也
音註 股祖叢反
春秋書此結正諸侯之罪垂戒明矣
援于春反

喪去聲行去
聲去上聲

甲莊王

七年

齊襄十一晉赧十八衛惠十三蔡哀八鄭

午十年

厲十四子儀七曹莊十五陳宣六杞靖十

七宋閔五秦武

十一楚文三

春夫人姜氏會齊侯

襄

于防音註

防魯地

夏四月辛卯夜恒星不見夜中星隕如雨音註

見音現中音去聲

又如字

恒星者列星也如雨者言衆也人事感於下則天變動於上前此者五國連衡旅拒王命後此者齊桓晉文更霸中國政歸盟主而王室遂虛其為法度廢絕威信凌遲之象著矣漢成帝永始中亦有星隕之異

而五侯擅權賊莽居攝漢之宗文掃蕩幾盡天之示人顯矣春秋謹於天象至矣

音註

庚音

平聲

秋大水無麥苗

書大水畏天災也無麥苗重民命也畏天災重民命見王者之心矣忽天災而不懼輕民命而不圖國之亡無日矣春秋所以謹之也

冬夫人姜氏會齊侯于穀

防魯地也穀齊地也初會于禚次享于祝丘又次如齊師又一歲而再會焉其為惡益遠矣明年無知弑諸兒其禍淫之明驗也

乙莊王十八年齊襄十二弑晉緡十九衛惠十四蔡哀
未一年九鄭厲十五子儀八曹莊十六陳宣七

杞靖十八宋閔六

秦武十二楚文四

春王正月師次于郎以俟陳人蔡人

用大衆曰師次止也伐而次者有整兵慎戰之意其
次善之也遂伐楚次于陘是也救而次者有緩師畏
敵之意其次譏之也次于匡于邲北于雍榆是也俟
而次者有無名妄動之意次于郎以俟陳人蔡人是
也何俟乎陳蔡或曰陳蔡將遇我俟而邀之也或曰
魯將與陳蔡有事於鄰國而陳蔡不至故次于郎以
待之也若是皆非義矣其
曰次曰以俟者深貶之也

甲午治兵音註

治兵于廟
將以圓師

此治兵于郎也。侯而不至，暴師露衆，役久不用，則有失伍離次，逃亡潰散之虞。故復申明軍法，以整齊之。其志非善之。
音註 暴步木反。也。譏賁武也。
音註 復扶又反。

夏師及齊師圍郕。郕降于齊師。
音註

二國同討而齊獨納郕降戶江反。

書及齊師者，親仇讎也。圍郕者，伐同姓也。郕降于齊，師者見伐國無義而不能服也。於是莊公之惡著矣。

秋師還。
音註

還音旋。後同。

書師還，譏役久也。按左氏仲庚父請伐齊師，莊公不可是。國君上將親與圍郕之役也。然其次其及，其還皆不稱公者，重衆也。春秋正例，君將不稱帥師，則以君為重。今此不稱公，又以為重衆何也？親舉大衆，妄動久役，俟陳蔡而陳蔡不至，圍郕而郕不服，歷三時而後還，則無名賁武，非義害人，未有如此之甚也。至

是師為重矣義繫於師故不書公以著勞民毒眾之罪為後戒也春秋王道輕重之權衡此類是矣

冬十有一月癸未齊無知

無知曷為不稱公孫而以國氏罪僖公也弑君者無知於僖公何罪乎不以公孫之道待無知使恃寵而當國也按無知者夷仲年之子年者僖公母弟也私其同母異於他弟施及其子衣服禮秩如嫡此亂本也故於年之來聘特以弟書於無知之弑不稱公孫者其有寵而當國也垂戒之義明矣古者親親與尊賢並行而不相悖故堯親九族必先明俊德而後九族睦周封同姓必厲康叔蔡仲而後王室強徒知寵愛親屬而不急於尊賢使為儀表以明親親之道必有篡弑之禍矣

弑其君諸兒音註

諸兒襄公名

按左氏齊侯游於姑琴遂田於貝丘徒人費遇賊于門先入伏公出而鬪死石之紛如死于階下是能死節者也春秋重死節之臣而法有特書其不見于經何也如費等所謂便嬖私暱之臣逢君之惡田獵畢弋而不修民事使百姓苦之者也與大臣孔父仇牧義形於色不畏強禦以身死其職則異矣當是時管仲隰朋鮑叔皆沉於下僚不見庸也而徒人費石之紛如乃得居左右襄公之所疎遠親信者如此故以齊國之強大一也桓公用之則九合諸侯不以兵車由親賢人遠小人所以興也襄公用之不能保其身死于戶下由親小人遠賢人所以亡也此二人雖死于難與自經於溝瀆而莫之知者猶不逮焉乃效亂之臣死不償

音註

勢非云反費補義
反達去聲難去聲

青又何取乎



春秋傳卷七



覆校官檢討臣季學錦

校對官修撰臣張書勲

謄錄監生臣陸學稼

謄錄監生臣周志禮

欽定四庫全書薈要

經部

春秋傳說

卷八十一



詳校官原任侍講臣王燕緒

春秋傳卷八

宋 胡安國 撰

莊公中

莊王十九年 齊桓公小白元年 晉緡二十衛惠十五

宣 杞靖十九 宋閔

七 秦武十三 楚丈五

春齊人殺無知

殺無知者雍廩也而曰齊人者討賊之辭也弑君之賊人人之所惡夫人之所得討故稱人人者衆辭也無知不稱君已不能音註 聲 君齊人亦莫之君也 惡去

公及齊大夫盟于莒音註

莒魯地音器○齊亂無君故大夫得敵公蓋欲迎子糾也

來者非一人故不稱名

及者內為志大夫不名者義繫於齊而不繫於大夫之名氏也曰公及齊大夫盟者議公之釋父怨親仇讎也或曰以德報怨寬身之仁何以讎之也曰德有輕重怨有深淺怨莫甚於父母之仇而德莫重乎安定其國家而圖其後嗣也有父之讎而不知怨乃欲以重德報之則人倫廢天理滅矣然則如之何以直報怨以德報德

夏公伐齊納糾齊小白入于齊音註

二公子各有黨故雖盟而迎子糾當

須伐乃得入又出在小白之後小白稱入從國逆之文本無位齊桓公入國

左氏書子糾二傳曰伐齊納糾君子以公較為正納者不受而強致之稱入者難詞糾不書子者明糾不當立也以小白繫齊者明小白宜有齊也所以然者襄公見殺糾與小白皆以庶子出奔而糾弟也又未嘗為世子按史稱周公誅管蔡以安周齊桓殺其弟以反國是糾幼而小白長其有齊宜矣宜則何以不稱公子內無所承上不稟命故以王法絕之也桓公於王法雖可絕視子糾則當立故管仲相桓為徒義而聖人稱之曰微管仲吾其被髮左衽矣召忽死於子糾為傷勇比諸匹夫匹婦之諒自經於溝瀆而莫之知也

秋七月丁酉葬齊襄公

八月庚申及齊師戰于乾時我師敗績音註

乾時齊地
乾音干

內不言敗此其言敗者為與讎戰雖敗亦榮也按左氏戰于乾時公喪戎路傳乘而歸則敗績者公也能與讎戰雖敗亦榮何以不言公敗之也公本忘親釋怨欲納讎人之子謀定其國家不為復讎與之戰也是故沒公以見敗若以復讎舉事則此戰為義戰當書公冠于敗績之上與沙隨之不得見平丘之不與盟為比以示榮矣惟不以復讎戰也是故諱公以重貶其忘親釋怨之罪其義深切著明矣

九月齊人取子糾殺之音註

公子為賊亂則書齊寇告殺而書齊取殺者時史惡

齊志在誦以求管仲非不忍其親故極言之

取者不義之辭前書納糾不稱子者明不當立也此書殺糾復稱子者明不當殺也或奪或予於義各安春秋指意也仁人之於兄弟不藏怨焉不宿怨焉親愛之而已糾雖爭立越在他國置而勿問可也必請

于魯殺之然後快于心其不仁亦甚矣後世以傳讓
為名而取國者必殺其主以為一人心防後患意與
此同流毒豈不遠哉故孟子曰五伯三王
之罪人也仲尼之徒無道桓文之事者

冬浚洙音註

浚音峻洙
水名音殊

國國以保民為本輕用民力妄興大作邦本一搖雖
有長江巨川限帶封域洞庭彭蠡河漢之險猶不足
憑而況洙乎書浚洙見勞民於守
國之末務而不知本為後戒也
音註 見音現

丁莊王十
年

十年

齊桓二晉緡二十一衛惠十六蔡哀十
一鄭厲十七子儀十曹莊十八陳宣九

杞靖二十宋閔八
秦武十四楚文六

春王正月公敗齊師于長勺音註

勺魯地
音灼

齊師伐魯經不書伐意責魯也詐戰曰敗敗之者為主或曰長勺魯地而齊師至此所謂敵加於已不得已而後應者也疑若無罪焉何以見責乎善為國者不師善師者不陣善陣者不戰故行使則有文告之詞而疆場則有守禦之備至於善陣德已衰矣而況兵刃相接又以詐謀取勝乎故書魯為主以責之皆已亂之道寡怨之方王者之事也

二月公侵宋

三月宋人

聞

遷宿音註

宋強遷之而取其地故文
異於邢遷也此遷國之始

其曰遷宿者宿非欲遷為宋人之所遷也懷土常物之大情遷國重事也雖遷害就利去危即安猶或怨沉于眾不肯率從而况迫於橫逆非其所欲棄久宅之田里則所徙之蓬壺道途之勤營築之勞起怨詰

傷和氣豈不惻然有隱乎肆行莫之預也其

音註

橫去

聲見

音現

夏六月齊師宋師次于郎公敗宋師于乘丘音註

乘丘魯地

乘去聲。其言次何以桓公圖伯而未集是故書次郎以見齊伯之難書次厥貉以見楚伯之難書次于鄆以見復伯之難

齊宋輕舉大衆深入他境肆其報復之心誠有罪也魯人若能不用詐謀奉其辭令二國去矣喻得一時之捷而積四鄰之忿此小人之道故次者不以其事勝者不以其理交讎之

秋九月荊敗蔡師于莘以蔡侯獻舞歸音註

莘蔡地此書荊之始

亦荆猾夏之始亦荆專執諸侯之始荆敗蔡師于莘是猾夏之始也吳敗頓胡沈蔡陳許之師于雞父則諸侯之不亡者寡矣是故書荆自此始而春秋以吳終焉

蔡侯何以名絕之也凡書敗書滅書入而以其君歸皆名者為其服為臣虜故絕之也若蔡獻舞潞嬰兒沈嘉許斯頓群胡豹曹陽邾益之類是矣國君死社稷正也逃之雖罪猶有恥焉虜甚矣楚人滅夔以夔子歸獨不名者夔子以無罪見討雖國滅身為臣虜其義直其辭初不服也是以獨假之爵而不名也春秋之法諸侯不生名失地則生而名之比於賤者欲使有國之君戰戰兢兢長守富貴無危溢之行也

冬十月齊師滅譚譚子奔莒音註

譚小國音談此滅國之始此管仲攻瑕之

滅而書奔責不死位也不書出國亡無所出也國滅
身奔而不能守其富貴何以書爵乎已無取滅之罪
為橫逆所加而力不能勝至於出奔則亦不幸焉爾
矣其義蓋未絕也按左氏齊侯之出也過譚譚不禮
焉及其入也諸侯皆賀譚又不至責其失事大之禮
可矣坐此見滅可乎齊師滅譚譚子奔莒楚人滅弦
弦子奔黃狄滅溫溫子奔衛三國所以皆存其爵不
比於失地之君而名之也然則吳滅徐徐子章羽奔
楚何以獨名按左氏吳伐徐徐子斷其髮攜其夫人
以逆吳子既已屈服而後奔豈有興復之志乎獨書
名所以絕之也春秋之義雖在於抑強扶弱又
責弱者之不自強於為善也故其書法如此

橫去聲
斷音短

戊莊王十
四年

十有一年

齊桓三晉緡二十二衛惠十七蔡
哀十二鄭厲十八子儀十一曹莊

十九陳宣十杞靖二十一
宋閔九秦武十五楚文七

春王正月

夏五月戊寅公敗宋師于郕

音註 郕魯地
音茲

秋宋大水

凡外災告則書所謂災者害及民物如水火兵戎之
寇是也諸侯於四鄰有恤病救急之義則告為得禮
而不可以不弔故四國同災許人不弔君子以是知
許之先亡也凡志災見春秋有謹天戒恤民隱之心
王者之
事也

冬王姬歸于齊

音註 魯主昏不書齊
侯逆不見公

按周制王姬嫁於諸侯車服不繫其夫下王后一等
禮亦隆矣春秋之義尊君抑臣其書王姬下嫁曷為
與列國之女同辭而不異乎曰陽倡而陰和夫先而
婦從天理也述天理訓後世則雖以王姬之貴其當
執婦道與公侯大夫士庶人之女何以異哉故齊為
匹夫妻帝二女而其書曰嬀于虞西周王姬嫁於齊
侯亦執婦道成肅雍之德其詩曰曷不肅雍王姬之
車自秦而後尤欲尊君抑臣為治而不得其道至謂
列侯尚公主使男事女夫屈於婦逆陰陽之位故王
陽條奏世務指此為失而長樂王曰亦以其與主父
母不敢畜其子舅姑不敢畜其婦原其意雖欲尊君
抑臣為治而使人倫悖於上風俗壞於下又豈所以
為治也其流至此然後知春秋書王

音註

嬀毗賓反
樂音洛畜

許六反
下同

己莊王十
亥五年崩

十有二年

齊桓四晉縉二十三衛惠十八蔡
哀十三鄭厲十九子儀十二曹莊

二十陳宣十一杞靖二十二
宋閔十弑秦武十六楚文八

春王三月紀叔姬歸于鄆

莊公四年紀侯去國叔姬至此始歸于鄆者紀侯方
卒故叔姬至此然後歸爾歸者順詞以宗廟在鄆歸
奉其祀也魯為宗國婦人有來歸之義紀既亡矣不
歸于魯所謂全節守義不以亡故而虧婦道者也魯
人高其節義恩禮有加焉是故其歸于鄆其卒其葬
史冊志書夫子修經存而弗削使與衛之共姜同垂
不朽為後世勸若夏侯令女曹爽之弟婦也寡居守
志父母欲奪而嫁之誓而弗許而曰曹氏全盛之時
尚欲保終況今衰亡何忍棄之聞者為
之感動其聞叔姬之風而興起者乎

音註

共音恭
為去聲

夏四月

秋八月甲午宋萬弑其君捷及其大夫仇牧音註

閔公
捷弑

桓公御
說立

君弑而大夫死於其難春秋書之者其所取也大夫死於弑君之難而有不書者故知孔父牧息皆所取也夫仇牧可謂不畏彊禦矣然徒殺其身不能執賊無益於事也亦足取乎食焉不避其難義也徒殺其身不能執賊亦足為求利焉而逃其難者之訓矣何名為無益哉夫審事物之重輕者權也權重輕而處之得其宜者義也大宰晉亦死於閔公之難削而不書者身有罪也惠伯死於子慈之難亦削而不書者非君命也召忽死於子糾之難孔子比於匹夫匹婦之諒自經於溝瀆而莫之知者所事不正也崔杼弑

君晏平仲曰人有君而人弑之吾焉得死之而焉得
亡之君子不以是罪晏子者齊莊公不為社稷死而
晏子非其私昵之臣也若仇牧荀息立乎人之本朝
執國之政而君見弑不以其私也雖欲勿死焉得而
勿死聖人書而弗削以為求利焉而逃其難者之勤
也惟此義不行然後有視棄其君猶土梗弁髦曾莫
之省而三

音註

難去聲處上聲
大音泰為去聲

冬十月宋萬出奔陳

按左氏宋萬弑閔公子蒙澤奔陳宋人請萬于陳以
賂陳人使婦人飲之酒而以犀革饗之宋人醢萬然
其賊已討矣曷為不書陳人殺萬而葬閔公乎夫天
下之惡一也陳人不以萬為賊而納之又受宋人之
賂而使婦人飲之酒是與賊為黨非政刑也特書萬
出奔陳而閔公不葬以著陳人與賊為黨之罪而不

能正天討其法嚴矣故曰
春秋成而亂臣賊子懼

音註

飲去聲
夫音扶

庚僖王

十有三年

齊桓五晉緡二十四衛惠十九祭哀
子元年十四鄭厲二十子儀十三曹莊二十

一陳宣十二杞靖二十三年卒宋

○周莊王十二年崩
桓公御說元年秦武十七楚文九
子僖王十三年立

經皆不
書崩葬

春齊侯

桓

宋人

桓

陳人

宣

蔡人

哀

邾人

儀

會于北杏音

註

北杏齊地杏戶猛反衣裳之會一○序齊於諸侯之
上而獨書爵始伯之辭也自是無特相盟會者矣王

風之作絕筆於莊王而僖王之立齊桓
公之伯皆在是年此王伯興衰之機也

桓何以及四國之微者會是宋公邾子也然則何以
稱人春秋之世以諸侯而主天下會盟之政自北杏

始其後宋襄晉文楚莊秦穆交主夏盟跡此而為之者也桓非受命之伯諸侯自相推戴以為盟主是無君矣故四國稱人以誅始亂正王法也齊侯稱爵其與之乎上無天子下無方伯有能會諸侯安中國而免民於左衽則雖與之可也誅諸侯者正也與桓公者權也或曰桓公始平宋亂遂得諸侯故四國稱人言眾與之也

夏六月齊人滅遂音註

遂國名
舜之後

滅國之與見滅罪孰為重取國而書滅奪人土地使不得有其民人毀人宗廟使不得奉其祭祀非至不仁者莫之思為見滅而書滅亡國之善詞上下之力也其亦不幸焉爾語有之曰興滅國繼絕世天下之民歸心焉今乃滅人之國而絕其世罪莫重矣齊人滅遂其稱人微者爾凡書滅者不待再貶而惡已

見

秋七月

冬公會齊侯盟于柯音註

柯齊邑音歌○曹劌劫盟魯之從齊獨後他國而後劫盟

所以為禮義之國也

始及齊平也世讎而平可乎於傳有之敵惠敵怨不
在後嗣魯於襄公有不共戴天之讎當其身則釋怨
不復而主王姬狩于禚會伐衛同圍邴納子糾故聖
人詳加譏貶以著其忘親之罪今易世矣而桓公始
合諸侯安中國攘夷狄尊天王乃欲修怨起鄰而危
其宗社可謂孝乎故長勺之役專以責魯而柯之盟
公與齊侯皆書其爵則以為釋怨而平可也或稱齊
襄公復九世之讎而春秋賢之信乎以仲尼所書柯

之盟其詞無貶則復九世之讎而春秋賢之者妄矣
其諸傳者借襄公事以深罪魯莊當其身而釋怨耶

辛傳王

十有四年

齊桓六晉緡二十五衛惠二十蔡哀
莊五鄭厲二十一子儀十四弒曹莊

丑二年

二十二陳宣十三杞共公元

年宋桓二秦武十八楚文十

春齊人陳人曹人伐宋

宋人背北杏之會諸侯伐宋其稱人者將卑師少也
齊自管仲得政減譚之後二十年間未嘗還大夫為
主將亦未嘗動大衆出侵伐蓋以制用兵而賦於民
薄矣故能南摧強楚西抑秦晉天下莫能與之爭也
或以為貶齊音註背音佩
稱人誤矣將去聲

夏單伯會伐宋音註

單伯周大夫單音善
於是諸侯初用王師

隱公四年諸侯伐鄭。輦帥師會伐。則再舉。宋陳蔡衛四國之名。今諸侯伐宋。而單伯會伐。不復再舉三國之名。何也。宋人背北。杏之會。合諸侯而伐之者。齊桓公也。會伐者。無貶焉。故其辭平。主謀伐鄭而欲求寵於諸侯。以定其位者。州吁也。會之者。黨逆賊矣。故其詞繁而不殺。疾之也。再舉而列書者。甚疾四國之詞也。言之不足。故再言。音註。復扶又反。之而聖人之情見矣。見音現。

秋七月荆入蔡音註

荆即楚文

冬單伯會齊侯宋公衛侯鄭伯于鄆音註

鄆衛地。絹真旃甄四音衣

棠之會二。齊桓公修伯業。齊平宋亂。宋人服從。欲歸功天子。故以單伯會諸侯。此諸侯會王臣之始。是年鄭殺子儀。鄭厲公復國。會鄭即鄭厲公也。

壬僖王

十有五年

齊桓七晉絳二十六衛惠二十一蔡哀十六鄭厲二十二曹莊二十三陳

宣三年

宣十四杞共二宋桓三

秦武十九楚文十一

春齊侯宋公陳侯衛侯鄭伯會于鄆音註

衣裳之會三○齊桓公始

伯

夏夫人姜氏如齊音註

夫人文姜也

秋宋人

桓

齊人

桓

邾人伐鄆音註

邾即小邾音霓○宋主兵故序齊上

伯者之先諸侯專征也非伯者而先諸侯主兵也此齊桓之師何以序宋下猶未成乎伯也二十七年同盟于幽天下與之然後成乎伯矣

鄭人侵宋

侵伐之義三傳不同左氏曰有鐘鼓曰伐無鐘鼓曰侵先儒或非其說以為聲罪致討曰伐無名行師曰侵未有以易之者也然考諸五經皆稱侵伐在易謙之六五曰利用侵伐征不服也書之秦誓曰我武惟揚侵于之疆詩之皇矣曰依其在東侵自阮疆周官大司馬以九伐之法正邦國而曰賊賢害民則伐之負國不服則侵之而以為無名行師可乎然則或曰侵或曰伐何也聲罪致討曰伐潛師掠境曰侵聲罪者鳴鐘擊鼓整衆而行兵法所謂正也潛師者銜枚卧鼓出人不意兵法所謂奇也

冬十月

癸僖王
四年

十有六年

齊桓八晉緡二十七滅武公稱三十
八年衛惠二十二蔡哀十七鄭厲二

十三曹莊二十四陳宣十五杞共
三宋桓四秦武二十楚文十二

春王正月

夏宋人

桓

齊人

桓

衛人

惠

伐鄭音註

宋主兵齊楚
爭鄭於是始

秋荆伐鄭音註

荆惠自蔡
及鄭矣

冬十有二月會齊侯宋公陳侯衛侯鄭伯許男滑伯滕

子同盟于幽音註

幽宋地衣裳之會四○齊桓公
初主盟也自是無特相盟者矣

會者公也不書公諱也其諱公何也程氏曰齊桓始
霸仗義以盟而魯首叛盟故諱不稱公惡失信也其
曰同盟何也程氏曰上無明王下無方伯列國交爭
桓公始霸天下與之故書同盟志同欲也自古皆有

死民無信不立故聖人以信易食答子貢之問君子以信易生重桓王之失春秋之諱公與是盟也豈不以信之重於生與食乎先儒或以為不書公者諱與雖盟誤矣果以桓為讎而諱與盟者曷不於柯之盟諱之也

邾子克卒音註

即儀父卒子瑣立

甲僖王五

十有七年

齊桓九晉武三十九卒衛惠二十

辰年崩

三蔡哀十八鄭厲二十四曹莊二

十五陳宣十六杞共四宋桓

五秦德公元年楚文十三

春齊人執鄭詹

書齊人執詹惡齊之詞也鄭既候宋又不朝齊詹為執政蓋用事之臣也其見執宜矣而以惡齊何也以

責人之心責已則盡道以愛已之心
愛人則盡仁此春秋待齊之意也

音註

惡去聲
後同

夏齊人殲于遂音註

殲音
失

殲盡也齊滅遂使人戍之遂之餘民飲戍者酒而殺
之齊人殲焉春秋書此者見齊人滅遂恃強陵弱非
伐罪弔民之師遂人書滅乃亡國之善詞上下之同
力也夫以亡國餘民能殲強齊之戍則申胥一身可
以存楚楚雖三戶可以亡秦固有是理足為
強而不義之戒而弱者亦可省身而自立矣

音註

飲去

聲見音現

省上聲

秋鄭詹自齊逃來

穀梁子曰逃義曰逃逃者匹夫之事詹之見執若其
有罪雖死可也僖曰無罪苟見免焉請從惠於會使

諸侯聞之則不辱君命矣不能以理自明也而反效
匹夫之行遁逃苟免越在他國不亦賤乎特書曰逃
以著其幸免而不知命之罪也齊桓始霸同盟于幽
而魯首叛盟受其遁逃虧信義矣書自齊逃來又以
罪魯也

冬多麋音註

麋音眉

康魯所有也多則為異以其又害稼也故書此亦
禹放龍蛇周公遠犀象之意也害稼則及人矣

乙惠王十有八年齊桓十晉獻公僖諸元年衛惠二十
四蔡哀十九鄭厲二十五曹莊二十

六陳宣十七杞共五宋○周僖王十七年崩
桓六秦德二楚文十四孫惠王十八年立

春王三月日有食之

夏公追戎于濟西音註

○濟西濟水之西
魯始追戎

此未有言侵伐者而書追戎是不覺其來已去而追之也為國無武備啓戎心而不知警危道也春秋之意其必未雨而徹桑土閒暇而明政刑

音註

閒音

秋有盛音註

盛音或本又作域廣韻並音域

葵魯所無也故以有書夫以含沙射人其為物至微矣魯人祭之以聞于朝魯史異之以書于策何也山陰陸佃曰盛陰物也廣亦陰物也是時莊公上不能防閑其母下不能正其身陽淑消而陰慝長矣此惡氣之應其說是也然則篇韶作而鳳凰來儀春秋成而麟出於野何足怪乎春秋書物象之應欲人主之慎所感也世衰道微邪說作正論消小人長善類退天變動於上地變動於下禽獸將食人而不知懼也

亦昧於仲
尼之意矣

冬十月

丙惠王

十有九年

齊桓十一 晉獻二 衛惠二十五 蔡哀

午二年

十八祀

共六 宋桓七 秦

宣公元年 楚文十五 辛

春王正月

夏四月

秋公子結媵陳人之婦于鄆遂及齊侯宋公盟

音註

媵音

孕又

音佞

滕淺事陳人微者公子往焉是以所重臨乎禮之輕者也齊侯伯主宋公王者之後盟國之大事也大夫輒與焉是以所輕當乎禮之重者也禮者不失已亦不失人失已與人寇之招也是故結書公子而曰滕陳人之婦譏其重以失已也齊家書爵而曰遂譏其輕以夫人也遂者專事之詞聘禮大夫受命不受辭出境有可以安社稷利國家則專之可也謂本有此命得以便宜從事特不受專對之辭爾若違命行私雖有利國家安社稷之功使者當以矯制請罪有司當以擅命論刑何者終不可以一時之利亂萬世之法是春秋之旨也

夫人姜氏如莒音註

非父母國
而往書姦

冬齊人宋人陳人伐我西鄙音註

幽之盟魯使微者會
邾之盟又使滕臣行

所以受敵
鄙邊邑也

奉詞曰伐其稱人將卑師少也結方與二國盟則其
來伐我何也齊桓始霸青魯不恭所謂失己與人以
招寇也或以結能為魯設免難之策為齊宋畫講好
之計身在境外而權其國家為春秋予之故稱公子
非矣

音註

難去聲
予上聲

春秋傳卷八

春秋傳卷九

宋 胡安國 撰

莊公下

丁惠王 二十年

齊桓十二 晉獻三 衛惠二十六 蔡穆侯
肸元年 鄭厲二十七 曹莊二十八 陳宣

宣 二十九 杞共七 宋桓八 秦
宣二 楚堵敖 熊麇元年

春王二月夫人姜氏如莒

十有五年夫人姜氏如齊至是再如莒而春秋書者
禮義天下之大防也其禁亂之所由生猶坊止水之
所自来也衛女嫁於諸侯父母終思歸寧而不得故
泉水賦許穆夫人閔衛之亡思歸唁其兄而阻於義

故載馳作聖人錄於國風以訓後世使知男女之別
自達於禽獸也今夫人如齊以寧其父母而父母已
終以寧其兄弟又義不得宗國猶爾而况如莒乎婦
人從夫者也夫死從子而莊公失子之道不能防閑
其母禁亂之所由生故初會于禚次享于祝丘又次
如齊師又次會于防于穀又次如齊又再如莒此以
舊坊為無所用而廢之者也是以至此
極觀春秋所書之法則知防閑之道矣

夏齊大災

秋七月

冬齊人伐戎

戊惠王
中四年

二十有一年

齊桓十三
晉獻四
衛惠二十七
蔡穆二
鄭厲二十八
辛曹莊二十九

陳宣二十杞共八宋桓
九秦宣三楚堵敖二

春王正月

夏五月辛酉鄭伯突卒音註

鄭厲公卒子
文公捷立

杜預稱莊公四年鄭伯遇于垂者乃子儀也而以爲
厲公者按春秋突歸于鄭之後其出奔蔡入于櫟皆
以名書猶繫於爵雖篡而實君雖君而實篡不沒其
實也忽雖世子其出奔猶不得稱子其復歸猶不得
稱伯以其實不能君也而况子儀雖乘間得立其爲
君微矣豈敢輕去國都與諸侯會于外乎故知遇于
垂者乃厲公也其始終書爵不沒其實
也亦可以爲居正而不能保者之戒矣

秋七月戊戌夫人姜氏薨

冬十有二月葬鄭厲公

己惠王

二十有二年

齊桓十四晉獻五衛惠二十八蔡穆三鄭文公捷元年曹莊三十陳

酉五年

宣二十一年杞惠公元年宋

桓十秦宣四楚堵敖三

春王正月肆大眚音註

省音

肆者者蕩滌瑕垢之稱也舜典曰眚災肆赦易於解卦曰君子以赦過宥罪呂刑曰五刑之疑有赦五罰之疑有赦周官司刺掌赦宥之法壹宥曰不識再宥曰過失三宥曰遺忘壹赦曰幼弱再赦曰老耄三赦曰蠢愚未聞肆大眚也大眚皆肆則廢天討斷國典縱有罪虐無辜惡人幸以免矣後世有姑息為政數行恩宥惠奸宄賊良民而其弊益滋蓋流於此故諸葛孔明曰治世以大德不以小惠其為政於蜀軍旅

數興而赦不妄下罰人久而歌思猶周人之思台音
公也斯得春秋之旨矣肆音而曰大音譏失刑也

註

慈勅家反
數音朔

癸丑葬我小君文姜

文姜之行甚矣而用小君之禮其無譏乎以書夫人
孫于齊不稱姜氏及書哀姜薨于夷齊人以歸攷之
則譏小君典禮當謹之於始而後可正也文姜已歸
為國君母臣子致送終之禮雖欲貶之不可得矣

音註

行音幸
孫音遜

陳人殺其公子御寇音註

御寇宣公太子也○陳人惡
其故太子之名故不稱君父

以國討
公子告

公子之重視大夫殺而或稱君或稱國或稱人何也
稱君者獨出於其君之意而大夫國人有不與焉如
晉侯殺其世子申生之類是也稱國者國君大夫與
聞其事而不請於天子如鄭殺其大夫申侯之類是
也稱人者有二義其一國亂無政衆人擅殺而不出
於其君則稱人如陳人殺其公子御寇之類是也其
一弑君之賊人人所得討背叛之臣國人之所同惡
則稱人如衛人殺州吁鄭人殺良霄之類是也攷於
傳之所載以觀經之所
音註 與去聲惡去聲
斷則罪之輕重見矣
音註 傳去聲斷去聲

夏五月音註

無事以首時書者五十九惟
此書五月昭十年書十二月

秋七月丙申及齊高傒盟于防音註

高傒貴卿與魯之
微者盟蓋齊桓諫

接諸侯以

崇伯業

冬公如齊納幣音註

公不使卿而親納幣非禮也母喪未再葬而國昏二傳不見所譏左

氏又無傳

失禮明矣

微者名姓不登於史冊高侯齊之貴大夫也曷為就
吾之微者盟蓋公也其不言公諱與高侯盟也來議
結昏娶仇人女大患也娶者其為吉下主乎已上主
乎宗廟以為有人之心者宜於此焉變矣公親如齊
納幣則不待貶也

庚惠王

二十有三年

齊桓十五晉獻六衛惠二十九蔡
穆四鄭文二曹莊三十一卒陳宣

戊六年

二十二杞惠二宋桓十一

○

二十二年楚熊惲弑其兄

秦宣五楚成王顓元年

堵敖代立今年是為楚成

王元

年

春公至自齊

祭叔來聘音註

祭側界反

穀梁子曰其不言使天子之內臣也不正其私交故
不與使也祭伯來朝而不言朝祭叔來聘而不言使
尹氏王子虎劉卷來計而不言其爵秩皆所以正人
臣之義也人君而明此不容下比之臣人臣而明此
不為交私之計
黨錮之禍息矣

夏公如齊觀社

莊公將如齊觀社曹劌諫曰齊棄太公之法而觀民
於社君為是舉而往觀之非政業也天子祀上帝諸
侯會之受命焉諸侯祀先公卿大夫佐之受事焉不
聞諸侯之相會祀也君舉必書書而不法後嗣何觀

公至自齊

荆人來聘

荆自莊公十年始見于經十四年入蔡十六年代鄭
皆以州舉者惡其猾夏不恭故狄之也至是來聘遂
稱人者嘉其慕義自通故進之也朝聘者中國諸侯
之事雖蠻夷而能修中國諸侯之事則不念其猾夏
不恭而遂進焉見聖人之心樂與人為善矣後世之
君能以聖人之心為心則與天地相似凡變於夷者
叛則懲其不恪而威之以刑來則嘉其慕義而接之
以禮通人安遠者服矣春秋謹華夏之辨而削吳徐
越諸夏之變於夷
者故書法如此

公及齊侯遇于穀

蕭叔朝公音註

此僭朝於方岳之禮

穀齊地蕭叔附庸之君也為禮必當其物與其所而後可以言禮大夫宗婦覲而用幣則非其物也蕭叔朝公在齊之穀則非其所也嘉禮不野合而朝公于外是委之於野矣故禮非其所君子有不愛必反之於正而後止此亦春秋撥亂之意也

秋丹桓宮楹音註

楹音盈

冬十有一月曹伯射姑卒音註

曹莊公卒子僖公夷立射音石又音亦

十有二月甲寅公會齊侯盟于扈音註

扈鄭地音戶下同

程子曰遇于穀盟于扈皆為要結姻好也傳稱男子二十而冠冠而列丈夫三十而不娶則非禮矣然天

子諸侯十五而冠者以娶必先冠而國不可久無儲
貳欲人君早有繼體故因以為節也鰥者老而無妻
之稱舜方三十未娶而師錫帝堯已曰有鰥在下矣
妻帝之二女則不告於父母以為告則不得娶而廢
人之大倫堯亦不告而妻焉其欲及時而無遇如此
也今莊公生於桓公之六年至是三十有六載矣以
世嫡之正諸侯之貴尚無內主同任社稷之事何也
蓋為文姜所制使必娶于母家而齊女待年未及故
莊公越禮不顧如此其急齊人有疑如此其緩而遇
于穀盟于扈要結之也娶夫人奉祭祀為宗廟之主
而母言是聽不以大義裁之至於失時

音註

冠音貫
妻去聲

辛惠王
亥七年

二十有四年

齊桓十六晉獻十七衛惠三十蔡穆
五鄭文三曹僖公赤元年陳宣二

十三杞惠三家桓十
二秦宣六楚成二

春王三月刻桓宮桷

公將逆姜氏丹桓宮之楹刻其桷為盛飾以誇示之此非特有童心而已御孫諫曰儉德之共也侈惡之大也先君有共德而君納諸大惡無乃不可乎自常情觀之丹楹刻桷宜若小失而春秋詳書于策御孫以為大惡何也桓公見殺于齊則不能復而盛飾其宮誇示仇人之女乃有亂心廢人倫悖天道而不知正者也御孫知為大惡而不敢盡言春秋謹置於微正後世人主之心術者也故詳書于策斥言桓宮以惡莊為後鑒也

葵曹莊公

夏公如齊逆女

秋公至自齊

穀梁子曰親迎常事也不志此其志何也不正其親迎於齊也或曰常事不志歲事之常也親迎可以常乎則其說誤矣所謂常者其事非一有月事之常則視朔是也有時事之常則蒐狩是也有歲事之常則郊祀雩祭之類是也有合禮之常則婚姻納幣逆女至歸之類是也凡此類合禮之常則不志矣其志則於禮不合將以為戒者也若夫崩薨卒葬即位之類不以禮之合否而皆書此人道始終之大變也其於親迎異矣

八月丁丑夫人姜氏入

何以不致不可見乎宗廟也姜氏齊襄公之女入者不順之辭以宗廟為弗受也昏義以正始為先而公

不與夫人皆至姜氏不從公而入已失夫婦之正弑
閔孫邾之亂兆矣莊公不勝其母越禮踰時俟仇人
之女薦舍於宗廟以成好合卒使宗嗣不立弑逆相
仍幾至亡國故春秋詳書其事以著莊公不孝之罪
為後戒也音註見音現

戊寅大夫宗婦覲用幣

禮夫人至大夫郊迎明日執幣以見宗婦大夫之妻
也公事曰見私事曰覲見夫人禮也曷為以私言之
夫人不可見乎宗廟則不可以臨羣臣故以私言之
也覲用幣何以書男贄大者玉帛小者禽鳥以章物
也女贄不過榛栗棗脩以告虔也今男女同贄是無
別也公子牙慶父之亂兆矣春秋詳書正始之道也

大水

冬戎侵曹曹羈出奔陳赤歸于曹音註

赤曹傳公也

杜預謂羈蓋曹世子也曹伯已薨猶不稱爵者以微弱不能居故為戎所逐爾赤者曹之庶公子歸易詞也宋人執鄭祭仲而忽出突歸權在宋也戎侵曹而羈出赤歸制在戎也使鄭忽曹羈明而能斷雖有宋戎之衆突赤之孽何緣而起以國儲君副不能自定其位於誰責而可故雖以國氏皆不書爵為居正者戒之

郭公

此郭公也義不可曉而先儒或以為郭亡者於傳有之齊桓公之郭問父老曰郭何以亡曰以其善善而惡惡也公曰若子之言乃賢君也何至於亡父老曰郭君善善不能用惡惡不能去所以亡也攷其時與

事謂之郭亡理或然也夫善善而不能利用則無貴於
知其善惡惡而不能去則無貴於知其惡未之或知
者猶有所觀也夫既或知之矣不能行其所知君子
所以高舉遠引小人所以肆行而無忌憚也然則非
有能亡郭者
郭自亡爾
音註
先儒或以為郭亡者事見管

壬惠王
子八年

二十有五年

齊桓十七晉獻八衛惠三十一卒
蔡穆六鄭文四曹僖二陳宣二十

四祀惠四年桓十
三秦宣七楚成三

春陳侯使女叔來聘音註

諸侯始交聘也前乎此非王
室若姻鄰無聘者矣於是交

聘齊桓公為
之也女音汝

夏五月癸丑衛侯朔卒音註

惠公卒子
懿公立

六月辛未朔日有食之鼓用牲于社

按禮諸侯旅見天子入門不得終禮者四而日食與焉古者固以是為大變人君所當恐懼修省以答天意而不敢忽也故夏書曰乃季秋月朔辰弗集于房瞽奏鼓番夫馳庶人走周官鼓人救日月則詔王鼓太僕凡軍旅田役贊王鼓救日月亦如之諸侯用幣于社伐鼓于朝退而自責皆恐懼修省以答天意而不敢忽也然則鼓用牲于社何以書譏不鼓于朝而鼓于社又用牲則非禮矣

伯姬歸于杞

其不言逆何也逆者非卿其名姓不登於史策則書歸以志禮之失也大夫來逆名姓已登於史策足以志其失矣猶書歸者以別於大夫之自逆者也猶書歸者杞伯姬是也自逆者莒慶齊高固是也

秋大水鼓用牲于社于門音註

門國也

冬公子友如陳音註

報女叔之聘此內大夫出聘之始

癸惠王丑九年

二十有六年

齊桓十八晉獻九衛懿公赤元年蔡穆七鄭文五曹僖三陳宣二十

五杞惠五宋桓十四秦宣八楚成四

春公伐戎

夏公至自伐戎

曹殺其大夫

稱國以殺者國君大夫與謀其事不請於天子而擅殺之也義繫於殺則止書其官曹殺其大夫宋人殺

其大夫是也義繫於人則兼書其名氏楚殺其大夫
得臣陳殺其大夫洩冶之類是也然殺大夫而曰大
夫與謀其事何也與謀其事者用事之大夫也見殺
者不得於君之大夫也所謂義繫於殺者罪在於專
殺而見殺者之是非有不足紀也故止書其官而不
錄其名氏也古者諸侯之卿大夫士命于天子而諸
侯不敢專命也其有罪則請于天子而諸侯不敢專
殺也及春秋時國無大小卿大夫士皆專命之而不
以告於王朝有罪無罪皆專殺之而不以歸於司寇
無王甚矣五伯三王之罪人而葵丘之會猶曰無專
殺大夫故春秋明書于策備天子之禁也凡諸侯之
大夫方其交政中華會盟征伐雖齊晉上卿止錄其
名氏至於見殺雖曹莒小國亦書其官或抑或揚或
奪或予聖人之大用也明此然後可以司賞罰之權

矣
音註

與去聲洩
息列反

秋公會宋人齊人伐徐音註

宋序齊上主兵

按書伯禽嘗征徐我則我在徐州之域為魯患舊矣是年春公伐我秋又伐徐者必我與徐合兵表裏為魯國之患也故雖齊宋將卑師少而公獨親行其不致者役不淹時而齊人同會則無危殆之憂矣

冬十有二月癸亥朔日有食之

甲惠王

二十有七年

齊桓十九晉獻十衛懿二蔡穆八鄭文六曹禧四陳宣二十六杞惠

六宋桓十五秦

宣九楚成五

春公會杞伯姬于洮音註

伯姬莊公女洮魯地音洮

左氏曰會于洮非事也天子非展義不巡守諸侯非民事不舉卿非君命不越境伯姬莊公之女非事而

特會于泚愛其女之過而不能節之以禮此春秋之所禁也惟不節之以禮然後有使自擇配如僖公之於季姬而典訓亡矣

夏六月公會齊侯宋公陳侯鄭伯同盟于幽音註

本棠之會

丘○齊初主盟於是書公矣

同盟之例有惡其反覆而書同盟有諸侯同欲而書同盟此盟鄭伯之所欲而書同盟者也凡盟皆小國受命於大國不得已而從焉者也其有小國願與之盟非出於勉強者則書同盟所以志同欲也前此鄭伯嘗貳於齊矣至是齊桓強盛有伯中國攘夷狄之勢諸侯皆歸之鄭伯於是焉有畏服之心其得與於盟所欲也故特書同穀梁子所謂於是而後授之諸侯是也其授之諸侯齊侯得衆也視他盟為愈矣

秋公子友如陳葬原仲音註

原仲陳大夫

公子友如陳葬原仲私行也人臣之禮無私交大夫非君命不越境何以通季子之私行而無貶乎曰春秋端本之書也京師諸夏之表也祭伯以案內諸侯而來朝祭叔以王朝大夫而來聘尹氏以天子三公來告其喪誣上行私表不正矣是故季子違王制委國事越境而會葬齊高固莒慶以大夫即魯而圖婚其後陳莊子死赴喪於魯魯人欲勿哭繆公召縣子而問焉曰古者大夫束脩之間不出境雖欲哭焉得而哭諸今之大夫交政於中國雖欲勿哭焉得而勿哭末流可知矣春秋深貶王臣以明始亂備書諸國大夫而無譏焉則以著其音註

衆音縣縣音玄

冬杞伯姬來

左氏曰歸寧也禮父母在歲一歸寧若歸而合禮則常事不書其曰杞伯姬來者不當來也女子有行遠父母兄弟春會于泚矣冬又歸魯故知其不當來也來而必書春秋於男女往來之際嚴矣

莒慶來逆叔姬

莒慶莒大夫也叔姬莊公女也何以稱字大夫自逆則稱字為其君逆則稱女尊卑之別也何以書諸侯嫁女於大夫而公自主之非禮也

杞伯來朝音註

相稱伯者蓋為時王所黜

公會齊侯于城濮音註

將討衛也濮衛地音卜

乙丑王十
卯一年
二十有八年

齊桓二十晉獻十一衛懿三蔡穆九鄭文七曹僖五陳宣二十

七杞惠七宋桓十

六秦宣十楚成六

春王三月甲寅齊人伐衛衛人及齊人戰衛人敗績

春秋紀兵及者為主齊人舉兵而伐衛衛人見伐而受兵則其以衛及之何也按左氏衛嘗伐周立子頹至是王使召伯廖賜齊侯命且請伐衛則齊人舉兵乃奉王命聲衛立子頹之罪以討之也為衛計者誠有是罪則當請歸司寇服刑可也若惠微康叔不泚其社稷使得自新亦惟命則可以免矣今不徵詞請罪而上逆王命下拒方伯之師直與交戰則是衛人為志乎此戰故以衛主之也戰不言伐伐不言日而書日者戰之日也見齊人奉辭伐罪方以是日至而衛人不請其故直以是日與之戰所以深疾之也而聖人之情見矣齊

音註

召音邵廖力彫反將去聲

夏四月丁未邾子貜卒音註

文公選
蔣立

秋荆伐鄭

公會齊人宋人救鄭音註

諸侯救
始此

按左氏楚令尹子元無故以車六百乘伐鄭入自純門是陵弱暴寡之師也故以州舉狄之也鄭人將奔桐丘諸侯救之楚師夜遁是得救急恤鄰之義也故書救鄭苦之也齊宋稱人將卑師少桓公主兵攘夷狄安中國之事見矣

音註

令尹子元公
子元文王子

冬築郿音註

郿音下
邑音眉

郿邑也凡用功大曰城小曰築故館則書築臺則書築園則書築郿邑而書築者創作邑也其志不視歲

之豐凶而輕用民力於其所
不必為也則非人君之心矣

大無麥禾

麥熟於夏禾成在秋而書於冬者莊公惟宮室臺榭
是崇是飾費用沒廣調度不充有司會計歲入之多
寡虛實然後知倉庫之竭也故於歲杪而書曰大無
麥禾大無者倉庫皆竭之詞也古者三年耕餘一年
之食九年耕餘三年之食今莊公享國二十八年當
有九年之積而虛竭如此所謂寄生之君也民事古
人所急食者養民之本不敷其本而肆侈心何以為
國故下書臧孫告糴以病公而戒來世為國之不知
務也

音註

積子
賜反

臧孫辰告糴于齊

劉敞曰不言如齊告糴而曰吾糴于齊者言如齊則其詞緩告糴于齊則其情急所以譏大臣任國事治名而不治實之蔽也魯人悅其名而以急病讓夷為功君子責其實而以不能務農重穀節用愛人為罪丙惠王十
二十有九年齊桓二十一晉獻十二衛懿四辰二年
十八杞惠八宋桓十七秦宣十一楚成七

春新延廐音註

廐音完

言新者有故也何以書昔韓昭侯作高門屈宜臼曰不時所謂時者非時日也人固有不利時前年秦拔宜陽今年旱君不以此時恤民之急而顧益奢此所謂時誑舉贏者也故穀梁子曰古之君人者必時視民之所勤民勤於力則功築罕民勤於財則貢賦少民勤於食則百事廢矣大無麥禾告糴于齊冬築

郇春新延底以其
用民力為已患矣
音註
詘曲
勿反

夏鄭人侵許
音註
無鍾鼓
曰侵

秋有蜚音註
蜚狀
味反

冬十有二月紀叔姬卒

紀已滅矣其卒之何見紀侯去國終不能自立異於
古公亶父之去故特書叔姬卒而不卒紀侯以明其
不爭而去則可能使其
民從而釋則微矣

城諸及防

丁惠王十
已三年
三十年
齊桓二十二
晉獻十三
衛懿五
蔡穆
十一
鄭文九
曹僖七
陳宣二十九
杞

惠九年桓十八秦
宣十二楚成八

春王正月

夏師次于成音註

齊將降鄆故設備左傳無師字○次于滑書公于郎敗師之此但書次以

為不足
書也

秋七月齊人降鄆音註

紀附庸國也小國孤危不能自固蓋齊桓以兵威脅使降附

降者脅服之詞前書鄆降于齊師意責魯也此言齊人降鄆專罪齊也鄆者紀之附庸微乎微者也齊人不道肆其強力脅使降附不曰鄆降而曰降鄆者以齊之強故罪之深以鄆之微故責之薄春秋之法扶弱抑強明道義也霸者之政以強臨弱急事功也故曰五伯三王之罪人仲尼之徒無道桓文之事者

八月癸亥葬紀叔姬

滅國不葬此何以葬時叔姬也紀侯既卒不歸宗國而歸于鄆所謂柔節守義不以亡故而睽婦道者也故繫之于紀而錄其卒葬先儒謂賢而得書是也賢而得書所以為後世勸也

音註

鄆音獮
睽苦圭

反

九月庚午朔日有食之鼓用牲于社

冬公及齊侯遇于魯濟

音註
濟上聲水歷齊魯界蓋魯地也

齊人伐山戎

齊人者齊侯也其稱人讓伐戎也自管仲得政至是二十年来嘗命大夫為主將亦未嘗與大眾出伐伐

故魯莊十一年而後凡用兵皆稱人者以將卑師少
爾今此安知其非將卑師少而獨以為齊侯何也以
來獻戎捷稱齊侯則知之矣夫北戎病燕職貢不至
桓公內無因國外無從諸侯越千里之險為燕間地
可謂能修方伯連帥之職何以譏之乎桓不務德勤
兵遠伐不正王法以譏其罪則將開後世之君勞中
國而事外夷捨近政而貴遠畧困吾民之力爭不毛
之地其患有不勝言者故特貶而稱人以為好武功
而不修文德者之戒也然則伐楚之役何以美之其
謂退師召陵責以大義不務交兵而強楚自服乎觀
此可以見聖人強本治

音註

燕音煙勝平聲好去聲

戊惠王十

三十有一年

齊桓二十三晉獻十四衛懿六
蔡穆十二鄭文十曹僖八陳宣

平四年

三十杞惠十宋桓十九
秦成公元年楚成九

春築臺于郎

何以書厲民也天子有靈臺以候天地諸侯有時臺以候四時去國築臺於遠而不緣占候是為游觀之所厲民以自樂也厲民自樂而不與民同樂則民欲與之偕亡雖有臺豈能獨樂乎

夏四月薛伯卒音註

水同盟

築臺于薛音註

薛魯地

六月齊侯來獻戎捷

軍獲曰捷凡諸侯有四夷之功則獻于王王以警于夷中國則否諸侯不相遺俘獻者下奉上之詞齊伐山戎以其所得躬來誇示書來獻者抑之也後世宰臣有不賞邀功以沮外徵生事之人得春秋抑戎捷

之意

秋築臺于秦音註

秦魯地

冬不雨

己惠王十

三十有二年

齊桓二十四晉獻十五衛懿七
蔡穆十三鄭文十一曹僖九陳

未五年

宣三十一杞惠十一宋

桓二十秦成二楚成十

春城小穀音註

穀齊管仲私邑

夏宋公齊侯遇于梁丘音註

梁丘地名在高平昌邑縣西南

秋七月癸巳公子牙卒音註

公子牙慶父同母弟
僖叔也是為叔孫氏

牙有今將之心而季子殺之其不言刺者公羊以為善之也季子殺母兄何善爾誅不得避兄君臣之義也曷為不直誅而酖之使託若以疾死然親親之道也陸淳曰季子恩義俱立變而得中夫子書其自卒以示無譏也得之矣

八月癸亥公薨于路寢

趙匡曰君終必於正寢就公卿也大位最之寢也危病邪之伺也若蔽於隱是女子小人得行其志矣然則莊公以世適承國不為不貴周公之後奄有寵蒙不為不強即位三十有二年不為不久薨于路寢不為不正而嗣子受禍幾至亡國何也大倫不明而宗嗣不定兵柄不分而主威不立得免其身幸矣

音

註

伺音苟
幾平聲

冬十月己未子般卒音註

子般莊公太子先君未葬故不稱爵不書殺諱之也般音

班

初公築臺臨黨氏見孟任生子般焉般嘗鞭圉人聲公薨般即位次于黨氏慶父使聲賊般成季奔陳立閔公昔舜不告而娶恐廢人之大倫以懟父母君子以為猶告也莊公過時越禮謬於易基乾坤詩始聞雖大舜不告而娶之義甚矣而子般乃孟任之所出也胡能有定乎雖享國日久獲終路寢而嗣子見殺幾至亡國有國者

音註

黨音掌聲音洛

公子慶父如齊

子般之卒慶父弑也宜書出奔其日如齊見慶父主兵自恣國人不能制也昔成王將終命大臣相康王

方是時掌親兵者太公望之子伋也宰臣召公奭命仲桓南宮毛取二千戈虎賁百人于伋以逆嗣子伋雖掌兵非有宰臣之命不敢發也召公雖制命非二諸侯將命以往伋亦不承也兵權散主不偏屬於一人可知矣今莊公幼年即位專以兵權授之慶父歲月既久威行中外其流至此故於餘丘法不當書而聖人特書慶父帥師以志得兵之始而卒書公薨子般卒慶父如齊以見其出入自如無敢討之者以示後世其垂戒之義明且遠矣

音註

夷音

狄伐邢

春秋傳卷九